



石倉十二代詩選

三集卷三十九

拘虛集

大明

鄞縣陳安沂著  
後學曹學佺閱

送楊恒叔致政歸用陶韻

公家旣解絆豈受僕夫迫欲別且持杯稅駕向  
長柏枯棠發春英寒梅早舒白荒蹊轉幽芳不  
礙荆榛窄冠裳各俛首重感他鄉客東華別華  
省燕寢非吾宅

聞寧濠兵圍安慶再旬敗走識喜

皖城孤且危江寇何滔滔衆意欲降虜壯士皆  
悲號主將坐城上醜酒臨江臯與衆誓俱死不  
得挫秋毫懦夫起揮戈發氣凌諸豪虜謀欲何  
爲我城亦何高號號懸轟雷流血城周遭哀屍  
橫成渚敗卒隨奔濤但聞舟中泣西向委黃袍

一日復一日

令顏妾自愛朝夕理紅粧一日復一日盛顏豈  
能常君心何所比不比明鏡光不照妾顏色但  
照妾心腸

斷絕吟

我有白玉環佩在羅襦間瑩潔莫與比歲久不  
曾利君今欲斷絕斷絕求無端蚓竅能會川積  
毀能移山君心已在棄不能回君顏放豚知所  
求失犬猶望還妾比盥濯水豈能長在盤盤水  
不足惜棄絕相見難願君常明潔無棄蕙與蘭

送劉按察希尹入蜀

我昔遊上都相逢狹邪間皇邑且窘步何況川  
與山瞿塘復劔閣古昔歎多艱鈎梯歷叅井鮮

不改容顏整駕方就途瞻望不可攀

其二

相攀途路長執手豈易辭  
繾綣當路側策馬亦  
長嘶發軔不可留且緩轡與脂木葉下高林百  
草霜氣衰玉體各自愛黃髮相見期

對月贈劉按察元瑞入滇中

憶昨看月與君同月在蕭臺  
煙樹東桐花香吐石壇冷  
松枝影落溪堂空可憐  
今夜高城隔况復蟾光漸  
生魄照我思君欲斷腸  
照君向我天

涯別天涯雲霧何茫茫  
千山萬山途路長從知  
馬上看圓缺相逐君行漸  
異鄉

歌舞美人圖

雕籠護日香雲薄綺樹重重宴春閣  
九曲屏開翡翠裳雙環鏡裏芙蓉萼  
膾翻玉筋黃金絲櫻盤錯落珊瑚枝  
酡酥酒釀暈不散坐傳小字呼蛾眉  
天桃對對顏色媚曲寫琵琶度笙吹  
飛燕身輕舞態柔初鶯語澀歌聲膩  
攏挑按擊十指鮮玉掌應拍猶堪憐  
袞飄袖裊錦鴛蹴細草芳

茵時正妍初日房櫳罷梳洗月光照席猶未已  
金尊漱灑手不停未解歡娛倦肢體晝長復晝  
夜復夜光續蘭膏香續麝今年爲樂復明年不  
記春花有凋謝張禹堂深到者稀季倫金谷忽  
成非江南誰識韓熙載贏得街頭百結衣宣和  
畫史能追憶粉黛丹青塗石壁音聲意態皆宛  
然能使生歡亦生成豪華文彩俱寂寥何慕近  
代思前朝京師能事多畫者傳寫關東一幅綉

重別行送李川甫

帝城門外揚車塵盡日勞勞行路人人生離別  
重繾綣况復送君當暮春昨日花開復欲落黑  
髮幾時不爲樂我今向衰君少年我少年時亦  
如昨燕臺黃金照日邊古人已往今誰賢世事  
多悲更難語繫馬躊躇樽酒前

張司空山國圖

吁嗟牂牁之南越嵩西金馬峻嶒連碧雞鋒攢  
戟列無斷絕天門海窟相高低區窮宇盡渺難  
入鬼魅託跡猶沈迷飛鳶六翮不能度犀象那

敢翻其蹄憶初茫茫起磅礴崎嶇却自何年鑿  
禹導黑水經三危直從秦漢開滇壑葉榆地廣  
人類殊毳旃種種分墟落千迴細路向空出百  
丈飛梯無地着仰攀脅息下股戰回頭轉足厓  
當面高標結霧晝不開井竅陽光午初見懸瀑  
遙從碧落來危巢震撼鯨濤濺巉巖盡日少人  
煙行人裹飯對清泉陂陀散處有平壤始見城  
郭羅居廬神明統方極遐域戍士分屯雜僮僇  
衣冠久與中州通雖有畏途非絕塞司徒慨然

筆滇史更有餘興圖山國曾聞上世居江東昆  
明戰伐成奇功邇來永昌已四葉山蹊水道盤  
胸中騰衝蒙化更隄阻出入萬山無沃土指點  
縱橫尺幅間括取西南盡吾嗜嗟哉能事意態  
新默與景會摩天真輞川內史不足數撫卷三  
復傷人神

單于出獵圖

龍沙八月百草枯鳴笳出獵天山隅韋韞後擁  
旌前驅驕嘶玉勒稱名駒竹坡兩耳風傳呼赤

汗在背啼玄菟橐駝捆束交在途  
叵羅載酪還載酥紫髯縮項碧眼胡  
腰插羽箭橫雕弧草頭一縱鷹與盧  
馬前獻獸只須叟中山異穎山梁  
雛北壯竝獲雌雄俱脅下斜穿金僕  
姑驅走樂事真豪麗歸來魚炙列盤  
盃大醉枕藉花甕餽關氏起舞樂單  
于

志士行

玉鏡在匣不掩光寶刀在鞘長吐芒  
古來神物不自閔雷電守護終飛揚  
商山采芝定漢計傳

巖版築能興商志士不求名蘭蕙不逞芳  
六翮不修大鵬不翔弩無發機五步不強  
請君何爲不自愛將身委地他人傍一人  
見知十人疑十人爲祥百人殃如何一足  
蹶頓令五內傷羣醫集如堵不出一竒方  
雖有扁鵲功不能雪洗腸寶刀寧折玉鏡  
毀首陽之顛其餓死

和顧華玉朱升之山游次韻

結駟同游日川原秋色深行臨黃葉寺  
坐望白雲岑叢桂懷山隱幽蘭動澤吟  
未能隨雅躅空

自歎塵襟

登芙蓉閣次韻

飛蘿懸碧嶂迴榭入丹霄  
 閣暝慈雲結林晴瑞  
 露消日隨孤鳥盡心共  
 片岑遙佛座鳴清磬惟  
 聞下界飄出一首六韻  
 八韻山寺將歸次韻  
 野寺逢人少山僧與世  
 疎四禪惟有性六法本  
 無書古洞棲蘿幌清泉  
 引竹居懶融無復見丈  
 室一燈餘與前志士不  
 來今詩意不盡老六韻

秋日遊靈谷寺

禪闕空山裏鐘聲何處尋  
 徑穿幽樹杳門積古  
 苔深丹殿揚朝彩雕廊  
 下夕陰鍾陵有佳氣秋  
 盡未蕭森

與彥明登浮圖

古寺慈雲塔峻峻霄漢懸  
 風微金鐸緩日正寶  
 輪圓陵闕浮佳氣闌楹灑  
 絳泉臨高不自覺人  
 望已登仙

史給事巽仲池亭夜集



歷代詩選  
卷之七  
徑出叢篁外懸燈四牖虛蕭森木落後喧語客  
來初水月搖青幌山霏入綺疏悠然丘壑興誰  
道是城居

其二

山亭催短景夜燕發幽襟對酒清歡合分題妙  
思沈鳥林風外靜鳧沼月中深爲念華簪客能  
同野客心

經牛頭山寺

落日牛頭寺攀緣嶺七盤鳥聲林葉暗山影石

溪寒清梵空中聽丹樓畫裏看到門僧不見松  
桂滿秋壇

慧光寺

丹蹊十里入青嶂百重圍亂木含秋寺幽花淨  
晚扉梯懸難受鑿閣迥恍疑飛延賞不知倦香  
風吹客衣

過寂照寺

籃輿度危嶺俯視有香臺疎磬谷中出幽蹊樹  
杪回煙光乘暮起山色逐秋來可憶登臨興常

因落日催

與欽佩登攝山頂

迢遙臨絕嶺回望始知高一水橫星漢千山疊  
海濤凌虛飛步健俯曠引杯豪正足登臨興寧  
辭陟降勞

代憑江閣

緝殿臨高處丹梯接下方浮雲山歷亂落日水  
微茫岼澗遲帆影天遙沒雁行虛闌初忒倚凝  
望忽相忘

武林口元瑞別去

異國朋交遠離舟樽酒深湖光千里目山色萬  
重心計日嗟行役因風憶惠音停橈不忍別黯  
黯對楓林

送元瑞叅政督賦陝右

鳳章承北闕龍節向西秦國賦來劉晏邦民識  
寇恂塞秋寒氣早嶺夜月光新回首彤幃外江  
鄉幾故人

秋晚高座寺值友至

禪房出高嶺秋晚愜幽心黃葉明山色蒼煙暗  
野陰坐薰籬菊近行冷徑松深南郭多佳處無  
期每漫尋

山寺贈羅質甫次韻

花臺開野酌且醉莫言醒空寂三生悟風流六  
代經日斜江更白山迥靄逾青登賞情方適離  
觴不可聽

宮柳

嫋嫋春聲裏陰陰曉色中縷垂金屋暗花散玉

樓空凝露啼秦苑因風鬪楚宮不知行輦處幾  
樹近簾櫳

大駕夜出南郊于端門內奉送書事一首

輦屬前旌盡香聞後殿來寶鞍千騎合金闕九  
城開天象乘微月皇衢隱薄雷但知心目眩無  
復賦昭回

贈同館五君出為州星

才子來宣室名高不解留諸州分虎節同日下  
龍樓搖落時相逼艱虞志未休關河明夜月偏

照遠臣憂

華蓋殿入候一首

侍從趨中禁天闈夜暫開星辰宿飛棟風露集  
層臺設炬人初動傳香駕欲來聯行肅裳佩未  
敢更徘徊

除夕

看曆歲復盡吾生仍幾何更新渾事懶戀故轉  
情多夜水分銀箭春星散玉珂年年叨侍從容  
髮愧蹉跎

對雪次韻

雲裏氤氳結風前宛轉回暗窺蟾影度遙逐雁  
聲來思入梨花夢詩歸柳絮才江南芳樹早光  
照後庭開

內苑涵碧亭

苑入黃金塢橋迴碧樹灣龍池觀九島鼇禁覓  
三山溜轉雲車急花深月殿閒從來人罕至御  
榻在中間

平臺

海氣生華屋天光落采虹穹階曾帝陟飛觀有  
仙通燕士何年召周民不日攻禁西傷舊事七  
校指離宮

雪中過荏平  
短草埋深雪微茫路不前瑤波疑動月瓊樹欲  
生煙乘興無知己詢風乏隱賢梅花消息遠歸  
思逼殘年

飲顧氏園亭

徑仄緣花轉窗虛映竹開  
迸階還護笋  
精砌欲

生苔鏡裏遊魚出琴中舞鶴來  
淹留容易晚常  
步月華回  
再登佛慧山寺

野興乘秋霽重登說法臺  
路穿江勢斷泉漬石  
紋開隔嶺人窺見銜花鳥  
下來繞巖黃菊綴香  
氣入深杯

與元瑞飲高座寺晚登雨花臺

梁皇臺畔氣蕭森古寺紆回衆壑深  
霜葉漫傷  
離客思雲山多負故人心  
行添短褐寒初動坐

歷代詩選 明陳學士  
促飛觴日易沈不盡豪吟滯歸去更乘煙色上  
高岑

頌戊寅曆

義和傳進引彤墀寶曆函開衆物知已屬青陽  
行夏正更迎韶景授堯時寰瀛共奉千年朔圖  
運重逢萬壽期願自朝元罷神武只將文德贊  
無爲

遊月乘輿在北符立春日京府進各宮春感賦  
青陽殘臘報芳辰五夜仙宮滿眼新鵲觀月華

還映雪龍池水色已含春近呈花勝爭寒巧遙  
頌椒盤獻壽頻今歲條風先朔地宸遊無乃重  
邊氓

登香山禪院

參差樓閣架巒岼澗口迴峰立馬看林影百重  
穿磴上泉聲一注隔雲寒香臺下接金沙淨仙  
梵遙隨玉磬殘塵土幾年凋客髮暫時憂抱此  
中寬

奉天殿夜朝賀侍班一首

鳴玉分階出內宮殿中仙樂奏條風花迎座上  
天顏近春滿人間聖澤同屢見傳宣通下界遠  
聞呼拜徹虛空駕行幸在詞臣後一字慚無獻  
納功

武皇上賓同百官哭于思善門外

帝寢重扉寂莫開鼎湖龍去可能回芙蓉內殿  
初成後虎豹離宮不再來三月麻衣明曉雪萬  
聲號慟隱春雷巡遊幸返蒼梧轡供奉猶存玉  
几哀

宿香山大風簡林上人

萬峰深夜鎖禪扉臺殿風多月色微佛座燈明  
七寶樹僧林法喻五銖衣山空但有鐘聲接室  
靜惟看幡影飛不假攢眉促陶令東林咫尺欲  
歸依

江上乘風至金山

畫舸乘流風色晴錦袍江上坐春明三天佛國  
金山寺萬井人家鐵甕城白日樓臺生海氣綠  
蕪沙渚暗潮聲欲留此景常供眼畫幃誰攜彩

筆成

小至舟泊衢城下灘聲月色愴然有懷

倦客東歸一繫船天涯行役自堪憐空江月色

孤城下永夜灘聲獨枕前豈有微勞酬厚祿祇

多衰病寄殘年愁長未覺寒更減星斗惟看直

北懸

入甕口城

萬嶺千山一道分向空盤磴歷青雲丹楓黃菊

爭秋色白石蒼崖淨夕曛長劔倚峰當面立淨

琴流水傍車聞秦關蜀棧無踰此絕險真穿虎

豹羣

天晴宿雞鳴寺

春山臨淨域夜檻出高城萬境煙雲暝諸天象

緯明寶燈分塔影金鐸亂松聲靜處塵機破誼

中道念平感靈僧錫化虛寂佛香生鳥息林初

靜龍歸水自清蕭皇遺世志師竺住山名不到

深棲地那能識此情

孫南山草堂



路出莊嚴外山迴孟瀆前石林寒野照竹徑暝  
江煙入谷忘諠境經橋覺暗泉門深階薜積簷  
迴薜蘿懸花露醺孤酌松風詠五絃久棲心合  
道遠引跡疑仙夜火猿窺戶春苗鹿在田更無  
尋藥侶但有采芝篇

孫編修貞甫使交南

天詔銜丹鳳詢方萬里行來王尊世享承統告  
春正大建飛龍德旁通舞獸情選賢宣帝闔戒  
旅出仙瀛曉授雲中節秋揚雨外旌乘輶飛蓋

迥製錦綴花明風俗經重譯星辰應遠征青霄  
天使館荒草越王城盛貌來藩禮清標狀國榮  
尚瞻陶侃在何暇伏波平跋涉應窮力還歸可  
緩程都亭歌出祖離思重同聲

送東閣石太宰代祀泰山闕里

上卿膺顯命元祀向東方喬嶽惟青岱生民有  
素王邁邦周望秩過魯漢趨蹌掃地如躬陟樞  
衣儼帝將諸峰求禪土數仞入宮墻仰止巖巖  
外周旋翼翼俯窺宜小壤密造豈升堂峻極

神應降惟馨道益光往哉公不忝簡在事非常

愧乏崧高贈風雩此詠章何人官海峽土疆

素王春草風望澤豈曾歎鐵劍無此收浪想

夜雨江南夢春風陌土情東皇如有意移向玉

階生 送東閣下大宰 外郎泰山關里

送寄顧全州 賦謝思重同養

曲浦湘雲暮幽篁楚雨秋愁心寄鴻雁煩爾過

衡州 韻芳草 蘇王 地盜 來 齋 斷 青 點 狀 因 於

嚴陵釣臺 風於 縣 重 韓 呈 氣 賦 表 面 青 雲

漢帝比唐堯先生學許巢此心猶未識那謂布

衣交

秋海棠

露浥秋姿膩風迴宮袂涼無緣被春色猶得向

秋陽

觀泉

雲間瀑布三千丈天外迴峰十二重滿耳怒雷

飛急雨轉頭寒日在青松

蘇文南巡舊京歌

歷代詩選  
卷之九  
橫戈八駿戰功收  
夾舸雙龍水面游  
紫蓋風雲  
過沛上錦帆  
煙月下揚州

迎鑾驛下萬艘齊  
白浪排空赤岍低  
總謂北來  
天塹隔豫章城外只江西

六龍神運起  
江淮五馬歌聲再渡來  
千古金陵  
王氣盛形雲重繞鳳皇臺

城南幕府作皇居  
宮闕依然古帝都  
燕子不來  
王謝宅煙花還遶莫愁湖

宮詞

翠荇紅蓮水殿香  
不知簾外易生涼  
夜來許賜  
金莖露明日驚看玉樹霜

後庭仙樹是誰栽  
春盡重門鎖綠苔  
聞說翠華  
籠燭過上陽官裏看花來

淚橫香粉搵雙痕  
怨管悲絲只爲恩  
多少春風  
不相屬落花啼鳥自黃昏

歷代詩選

明三集卷三十九

石倉十二代詩選

明三集卷三十九

終頁

不日風雲莽莽自黃昏  
天翻地覆乾坤變  
新醜盡上朝官  
外武山嶽長  
金莖翠羽日  
翠竹涼蟻木  
翠竹涼蟻木

石倉十二代詩選

賜閒堂稿

大明 貴溪夏言著

後學曹學佺閱

林女同呂司直巾石登南巖五級峰

虛聞五級峻興發捫蘿上群峰走哈呀衆壑廻

蒼莽平臨飛鳥度俯睇長松仰攀緣挈諸子脩

然謝獨徃日夕澹忘歸懸厓坐森爽

宿鄭家坊喜徐子波石呂子巾石吳郎以

入山今容不約而至

歷代詩選

月夏圭

三集卷甲

一

元

入山今已深諸子遠能至歡悰豁沈抱清言激  
古誼道存跡不孤樂在有餘地主人具美酒良  
宵覽新霽素月流霜空巖牕耿無寐

夜從鄭家坊度嶺謁李將軍廟

把水涉霜溪衝泥陟雲嶺嵯傾雨磴滑路黑風  
林冷時聞鼓吹咎已失旌旗影僕夫方苦藉予  
亦抱深警竟藉將軍力天光發俄頃停車立廟  
門明蟾炯東井

歸自鄭家坊登鉛石山留題香林寺壁

停鱸香林寺躡屩鉛石山不磴盤窈窕峭壁立  
屏顏振衣青冥上飛蓋翠微間石人近可招靈  
岫杳難攀白雲礙磻戶丹霞闕松關夕陽下西  
嶺天風吹鶴還

題靜峰道人小山書屋

小山何孤高瀟灑五公麓平蕪挹廣野盤亘滄  
海曲巒巘互縈帶洲渚莽迴復白鳥集水溼青  
蘿翳喬木高人選幽勝開雲築巖屋煙霞諧夙  
想魚鳥會心目朝迎海日出夕引溪雲宿亭發

揚子玄園涉司馬獨豈不在人境  
翛然隔塵俗安居怡道氣習隱恣  
遐躅方歌小山詠鳴騶已入谷  
奉檄思酬恩出山豈懷祿持節清  
憲臺出入振華轂畢力撫南裔勞  
心奠江服所至策勲庸行當秉機  
軸寄語碧山靈歲晚護松菊異時  
將相歸叢桂枝仍綠

古溪道中寄徐春官緯

巾車入山中佳客不果留出門屢  
回顧相憶情夷猶昨暮枉行軒風  
雨寒颼颼今辰乖執手不暇敘綢  
繆吳郎同袍夙昔義分投我有一  
斗酒久矣遲回舟設筵丹桂堂二  
子相勸酬爲我拚旣醉暫聽山童  
謳

次袁佩蘭

已無簪紱累况有林園開愛山自  
拄笏得酒卽街盃通池顛剡曲作  
亭擬蓬萊藜杖步紆徐蘭舟泛沿  
泗久同麋鹿遊近免鷗鳥猜夜牖  
月穿林春堂雨生苔了無俗事絆  
日與佳境陪修竹長琅玕穠花發  
玫瑰舊書不廢讀新詩聊可裁

且覺身心逸未歎鬢毛衰  
聖主念私衷溫綸  
賜歸來逍遙葛溪上迤邐靈山隈獨往興條然  
長吟意悠哉晚逢佩蘭子采藥凌崔嵬

題松厓卷

青松傍丹崖柯葉萬古色密雲屯白晝奇響振  
中夕幽人時往來佳境自虛寂爲我護絲苓歲  
晚煮同食

題吳龍津太守韻

佳客遠相從居然諧夙心青山對尊酒白日携

囊琴溪水映碧玉籬花綻黃金忽聞龍津曲此  
曲有遺音

次前韻柬詹少華

不見少華子十年勞我心那知葛溪上歲晚能  
携琴病飲溪頭酒不惜囊中金青山岼白幘共  
和漁樵音

曉起偶述

臥聞瓦雀啁起看秋日晴喧鶴立堦除橘柚垂  
簷楹幸無公事牽頗愜幽居情比來得邸報喜

見邊塵清

東川歌別顧御醫定芳

東川子雲間英儼翁座上有此客昔時一見青  
眼明去年召入 聖濟殿咫尺 龍顏親引見  
錦服烏紗直禁中出入紫闈誰不羨阿郎染翰  
白玉堂西苑時時近 帝傍夏夜龍舟泛金海  
通宵供奉水中央憐君父子盛遭逢東川草木  
生華風回思二十年前事留滯羈栖逆旅中君  
乃儼翁中表第予忝翁之門下士通家故舊非

一日歲晚看君多道氣我今謝政歸田野草堂  
上築靈峰下君獨拿舟千里來舊話燈前共長  
夜問君如何便欲歸去家經年今始回把筆緘  
情與君別春日抱琴還復來

後屏歌爲盧給舍勲作

小溪溪水如游龍草堂突兀溪之東括蒼西來  
數千仞白雲遙接天台峰天台括蒼遠相發玉  
削屏山秀而特屋上橫開翡翠幃日照芙蓉千  
萬疊主人側足青瑣闈十年諫草生光輝黼辰



長瞻霄漢上錦袍會向山中歸手持玉節來番  
湖爲寫屏山入畫圖赤城霞標光隱現四時雲  
氣流仙都蹇予平生愛煙嶺五級峰頭酒初醒  
勸君溪上莫淹留天下蒼生正延頸

次汪東峰三湖壽歌

楚江遠自岷嶓來滙爲巨澤重湖開洞庭青草  
乃其著萬頃一碧無纖埃三湖湖頭盡楊柳湖  
上幽人室如斗水面芙蓉十里平開花亦有如  
船藕白鷺沙鷗相對飛秋高潦落鱸魚肥望中

漁父起沙市天際風帆度石磯湖翁策杖湖邊  
去身世逍遙忘百慮用棹煙篷任去來岬芷汀  
蒲自成趣龍洲御史繡衣郎蚤歲趨庭聞義方  
口嚼帝命按江右白雲湖水遙相將蹇予薄  
劣愧商佐歸來敢擬東山臥東峰中丞遠能訪  
春日龍洲重相過二公襟量涵江湖高風大節  
真丈夫丹桂堂中飲春酒倒盡花間白玉壺彩  
筆曾揮五老曲東望三湖致三祝不老寧須金  
液丹長生已注青華籙

歷代詩選 明夏桂洲 卷四  
汪東峰送劉山人至談玄半餉喜而有作  
鍾陵道人江上來草堂一見塵顏開片言直指  
長生訣萬卷丹經盡可灰底用偷桃惱王母不  
須采藥尋天台如如一念守心息身中元氣自  
往廻也知道在呼吸間更於何處求吾玄晦翁  
徒註叅同契虛靖真傳大道篇道人初下南浦  
船滿口只道中丞賢神僊宰相本同調豫章靈  
峰俱有緣願翁整頓乾坤了攜手終南太華巔  
次韻汪東峰遣惠鱗魚歌

道人鼾睡鼻雷吼猛驚刺啄笑開口僕夫兩管  
初息肩中丞一緘忽入手滿管鱗魚鱗甲張啓  
封取魚呼童忙高情遠寄滕王閣珍品先誇丹  
桂堂年年仁壽宮中出中使到門每驚林例  
願兩尾給外庭特賜五頭勞御筆去歲承  
恩歸故鄉豈爲鱸魚滋味長今年不復天家  
賜徒憶江淮進貢航自憐此物無繇至駢蕃乃  
荷東翁賜更將餘愛遺郡守獨且先嘗對臺使  
珍鮮數寄意何深海蝦燕窠俱有吟蹇予病思

少酬答千里感翁惟寸心

謁僊都山還遊蓮華寺

煙洞捫蘿入雲巖躡磴攀雕鏤疑造化竒絕壯  
心顏佛界清蓮土僊家紫氣關春遊興不極冒  
雨亦看山

送蘇提學山西大叅

三晉今多事君行亦壯哉班生曾出將范老定  
登臺廟筭資神武雄藩簡雋才幾時聞破虜白  
首笑顏開

登葛僊山二首

危磴入青冥凭高駐鶴亭四山暗風雨半壑響  
雷霆龍起西潭霧山圍北斗星長生有真訣吾  
欲叩僊靈

昔聞勾漏令今謁左宮僊并憶燒丹處臺留化  
鶴年路盤九龍上山轉七星懸誰識塵寰裏煙  
霞自有天

九日同汪東峰遊南巖

九日南巖寺登高發興竒石堂殷簫鼓松磴裊

旌旗白日傳吟調黃花對酒卮江湖與廊廟深  
荷 聖明時

送汪東峰出郭途中口占

余從碧山隱公向赤霄行諫草當年夢離杯此  
日情野翁甘白首 聖主愛蒼生好展經綸策  
柴門歌太平

送憲副易栗夫督學西蜀用吳副郎以容

韻

玉勅朝廷重憐君仗節行文章諧夙望道誼叶

高情路入蠶叢遠人誇豸角榮江湖娛野老永  
夜恭堦平

九日遊南巖

立壁臨丹壑懸崖剔柴苔煙霞僧獨占宇宙客  
頻來九日山中酒百年江上臺挂冠歸舊隱兩  
見菊花開

八角塘種竹次袁韻

池上新栽竹移來嶰谷雲蒼龍初脫甲彩鳳自  
成羣近擬軒窗直疎宜徑路分林園已不俗把

歷代詩選  
明夏桂洲  
九  
二百廿五  
酒對清芬

題八角塘次袁佩蘭

舍旁開別墅池水靜煩襟  
曲折偶成象方圓雅  
稱心汎舟沿竹嶼洗瓊近  
花林明月夜偏好天  
光壁影沉  
壬寅直河恭拜聖節志感

凌晨古驛靜焚香北望紅雲是  
帝鄉獨竊歡  
呼同獸舞誤疑趨走入鷓行  
還家白髮逢秋短  
戀闕丹心共日長去歲茲晨西苑裏  
宮醪頻

捧御觴前

中秋瓜州對月

中秋見月已難得更在長江盡處明  
萬里風煙連海國一宵笳鼓動山城  
波涵玉宇中流靜露浥銀河徹底清  
獨有丹心將白髮長安北望不勝情

毘陵別十四

鶴臯主人年七十鬢髮未白  
雙眼明平生疎放少俗態  
晚節優游忘世情廿年尊酒與君別  
五

日扁舟送我行靈峰草堂正瀟灑春酒有約來  
同傾

九日常山公館對菊是夕歐陽憲副携酒  
來餞適吳太守偕施二守王三守俱至  
佳辰雅集率爾成咏

九日黃花爛熳開十年爲客倦歸來清宵猶對  
他鄉酒明旦徐登故里臺衰病未忘經國慮驅  
馳原愧濟時才南山秋色吾廬近直北天高首  
重回

上清焚黃次汪東峰中丞

移文長愧草堂靈畫錦誰誇玉帶橫丘壠百年  
心始慰家山此日夢偏清未同野老分鷗席且  
近僊人學鳳笙忽報中丞回節鉞江潭歲晚見  
高情

登鶴歸亭次趙子昂韻

萬竿修竹護幽亭溪上羣峰箇箇青石竈茶煙  
驚鶴夢玉爐丹火避山靈錦袍此日辭黃屋彩  
筆長年侍紫庭白晝神仙一回首洞簫吹月許

誰聽

東留李潛崖大理

故人對酒同今夕上苑風光憶去年林壑閒身  
非偶爾江湖遠夢尚依然高名實下南洲榻豪  
興寧迴剡水船半夜燈簷雨初霽德星光聚草  
堂前

次周約菴司徒金山寺韻二首

艤棹金山半日遊白雲無數遶芳洲坐來風雨  
江聲遠望裏波濤海氣浮水上青山空自暮天

涯紅樹向人秋廿年不著登山屐獨到留雲最  
上頭

解政歸來得勝遊至今清夢憶滄洲大江波浪  
千帆湧孤島風煙萬木浮龍出石堂雲谷曉鶴  
飛華表海天秋數聲清磬穿林杪僧在翠微深  
處頭

次約菴泊瓜埠

月明仄渚坐蕭條塵土南來喜盡消天漢星河  
秋墜露海門波浪夜生潮青鞋欲訪張公洞畫

舫還依寶帶橋客路不知江海遠夢魂猶憶  
紫宸朝

菊節汎舟西濠奉邀東峰中丞

千金難買汎湖船九日初開上客筵夾岍旌旗  
明晚照中流簫鼓送高天歌傳禁苑新翻曲酒  
出 君王舊賜錢白髮司徒最知己寧妨取醉  
太平年

喜諸公見過

忽傳車馬駐柴門喜劇山翁輟負暄鄉曲晚同

耆舊會林泉今荷 聖君恩開池近與沙鷗狎  
種竹新看彩鳳翻獨有江湖憂尚在每依南斗  
望台垣

九日遊南巘歸飲丹桂堂席間次東峰韻

佳節難逢九日晴南山同赴菊花盟巘屏靜對  
青天杏林閣遙看白鳥輕寒望晚雲迷迥野醉  
歸明月上高城風波往事思青瑣莫惜深盃此  
夜傾

再次合溪韻



歷代詩選  
清夜尊前度曲聲白頭青眼話昇平酒歡不覺  
沈酣醉詩癖從教太瘦生千載遭逢慚素食十  
年辛苦負調羹葛溪溪上靈峰麓一笑相過何  
恨情

弋陽道中遇郭仲愚太史廻舟從余至貴

溪

篠簜渡頭霜樹紅龜峰西望紫煙重天寒舟楫  
逢僊侶歲晚江潭慰野翁返棹越溪高興別重  
遊赤壁此宵同玉堂舊夢題詩在今日相思又

夢中

次張合溪

歸來不惜買山錢爲愛登臨慕昔賢五柳風煙  
留客醉百花潭水照人妍時移畫舫春風動幾  
對柴門夜月鮮萬慮不關惟靜坐閒中只與懶  
相便

次合溪見寄

歲晚江潭一棹同園林把酒又東風傍堤楊柳  
舒新綠隔岼棠梨舒小紅物色堪娛宜野老詩

歷代詩選 明嘉靖  
二百十  
筒頻寄謝溪翁已拚百甕供湯餅會列笙歌四  
座中

林下蒙恩復官禮部尚書武英殿大學士

恭述志感

歸田自分老耕鋤 聖主恩深念腐儒批答起  
居煩御筆賜還官秩勝除書功名喜在還鄉後  
里巷歡同入相初犬馬衰軀何以報祗將歌詠  
祝 皇圖

東桂侍御歸白湖南一首

衰翁臥病掩重扉忽報湖南使者歸鄂渚可仍  
聞弄笛曹溪曾否問傳衣洞庭日夜浮元氣太  
嶽中天積翠微幾度乘驄揮彩筆壯觀如子眼  
中稀

丹桂堂雨中夜集次林榕江韻

高堂入夜秋雨涼桂枝滿院交青蒼佳辰忽來  
海上客野翁賴有山中觴洞門疊石起煙霧紫  
簫鳴竹驚鳳凰中秋已過明月去歌舞醉同燈  
燭光

題蔡山人小畫

閣棹春江曲胡牀坐白雲綠波憐霧縠芳草愛  
蘭薰

題星士吳松東山卷

松聲何處來萬壑涼風發道人寂無言坐待東

山月

嘉興道中次沈黃門

秋日吳航江上行偶逢佳客秀州城蒹葭百里  
浯溪水他日相思何恨情

故人憐我鬢毛蒼却喜操觚力尚強廊廟賡歌  
有賢哲老夫歸咏綠槐堂

回首燕山北望孤有誰談笑滅強胡何時折盡  
平生屐便買扁舟入五湖

贈符太守錫

韶州太守穎江翁巾履條然野鶴蹤正對靈峰  
勞夢想忽乘春色過湖東

寄建寧葉通判祺

還家兩得建州書別駕高情自有餘南望碧山

歷代詩選 明夏梅沙  
歌九曲武夷風景近何如

送余黃門謫杭州

瑣闥僊客下青冥坐對山翁醉眼醒却喜錢塘  
君去好蘇堤楊柳至今青

寄題周廷臣山中書屋

卜居已就靈峰下浪擬裴公綠野堂却喜幽人  
讀書處白雲青石有山房

贈高都諫謫嶺南二首

曾聽朝陽彩鳳鳴又看孤植嶺南行白頭老子

江湖上酌酒對君空復情

修塗休問嶺南山且共蒲觴一解顏  
聖主離明懸日月肯教虛却侍臣班

寄侍御魏槐川

長夏山中臥白雲清風一榻裊鑪薰槐陰滿地  
川如玉西望南昌懷使君

八角塘

旁舍新開八角塘往來身在水雲鄉綠波真有  
西湖意與客時時泛一航

歷代詩選  
明  
環漪亭

面面波光蕩碧漪  
方亭小小嵌平堤  
荷香正值風來處  
竹影偏宜月上時

水雲軒

池上軒窗  
開闌干深傍水雲隈  
沿堤遮莫看花去  
隔教送酒來

橫翠亭

當面靈山  
橫虛亭在笏看雲生  
近來拋却平生展  
不用捫蘿躡磴行

別王通判罷官還柳州

使君節操如水玉  
不媿靈峰與葛溪  
春日送君溪水上  
相思遙隔楚岡西

送唐主簿虞罷官歸江陰

白湖楊柳年年綠  
三月還家正及春  
飽喫魚羹醉春酒  
不須回首看紅塵

靈溪舟中述懷

纔向龍岡掃墓田  
靈溪獨泛鄭坊船  
長安十載松楸夢  
今日家山聞杜鵑

過方頭

石勢參差開峭峽一川喬木鎖煙霞故人老去  
青山在空問程番太守家

塘頭

數疊山圍水一灣野人家住翠微間瓦盆盛酒  
年年醉應笑紅塵抗客顏

遊白鷗園詹燕峰有約不至

畫舫笙歌池上迴燕峰東望碧雲隈却憐今夜  
峰頭月應照幽人獨往來

聽箏

銀甲燈前散落花參差寶樹鴈行斜鶯聲不藉  
歌喉出翠袖休將玉手遮

聽琵琶

太絃疎豁子絃高謾撚輕櫳韻轉遙一曲中原  
村鼓迓太平聲在紫檀槽

八角塘釣魚

學把絲綸坐碧流兒童莫漫餌香鉤野翁久已  
忘機事試問溪邊雙白鷗

歷代詩選  
秋日與桂侍御汎舟八角塘見新植芙蓉  
花開有作

買得池塘楊柳中沿堤只少木芙蓉  
新栽喜見  
開花早數朶嬈娟照水紅

寄劉亞卿梅國

江國梅花生遠春長安時憶嶺頭雲  
白鷗園上  
靈峰下相對梅花如見君

送蔡世新入武夷

武夷風煙天下奇幽人羽客長相依山  
人採藥

入山去澹澹長空一鳥飛

石倉十二代詩選

明三集卷之四十 終

石倉十二代詩選

三集卷四十一

小山類稿

大明

惠安張岳著

後學曹學佺閱

雙泉

遺榮涉林丘捫蘿弭朝節廻眺林薄外瀑流撼  
 玉軼天高山氣清野靜夕霏徹忽見雙飛龍下  
 飲寒潭冽水霧勝紫虹石鯨勢怒抉初疑河漢  
 傾又似渾沌泄靈源莽何窮素練天所揭仙翁  
 碧玉笙鶴馭振寥泬我欲從之遊風煙坐羈屈



緬邈懷孤高幽意不可掇

### 泉源

向來觀懸瀑披袂颯秋風耳目豈不廣歷覽意  
未窮披霞緣迴磴倚杖睨危峰亂雲交壁翠石  
竇瀉泉紅微涓初噴湧稍稍入幽深漚爲百尺  
波俯瞰千仞礮靜光沈斗緯上與銀河通愛茲  
塵外境頓覺心神融踟躕慰煩倦坐久超鴻濛  
顧謂後來子形役徒冲冲川上有孤歎萬古集  
虛衷

### 流觴渠

去去澗中水悠悠頭上巾歲月如飛彈不飲生  
秋塵家有紫霞精一迴三千春注之金荷葉投  
彼寒流濱寒流清且駛荷葉何逡巡列坐藉春  
草籌影亂紛繽當歌卽成曲逸響動潛鱗引脰  
川原外翠靄千囀屯理深物有悟興極感相因  
試念世人飲誰得此中真

### 飛雲峰

長嘯林下木挂冠林木巔山農荷鋤歸相與話

歷代詩選 明別注  
豐年輕風萬里陰落日一江煙縹緲生虛谷淒  
淒翻野田小溪流未穩寒漲欲平川阿婦視春  
筓蠶老簇且眠兒童浪驚喜剖竹奔流泉山園  
霜露深黍稌蟠蛟蜒社酒及時釀春秋豚一肩  
無爲歌蟋蟀使我抱恹恹

留客亭

憑軒有所思思在遠岑我有青絲瑟欲奏無  
知音萋萋芳草色遲遲美人心佳期不可敦離  
憂故難任秋江浮芙蓉春渚振瓊琳冥迷天欲  
雨歎息河梁深歸來卧山中浪浪涕沾襟竹窗  
列月曙杉逕黑雲沈願乘空谷駒翩翩夕巘陰  
桂枝聊攀折杖屨日相尋山阿歲華晏莫受異  
物侵

瑯琊寺

朝遊瑯琊山暮宿瑯琊寺寺古山徑荒寒林積  
空翠慨念千載人欹枕不成寐六一安在哉智  
僊亦已矣燃燭讀殘碑剝落不可紀維謂金石  
堅所託漫復爾秋風拂庭柯落葉盈陞祀大運

古來然榮名安足理所以稱達生靜觀良有以  
不見龕中僧白髮垂兩耳

少宗伯王甌濱先生持節封益藩便道歸

省屬官皆有贈行之作予爲何愛之正

郎賦此

江空流月華白石光凌亂孤舟泛層波一往如  
飛翰邀哉遠遊心爲國樹藩幹明遣辭玉衣倚  
門發皓粲悠悠甌水濱春日浴鳧鶴爲爾立斯  
須言笑遲昏旦回首百念并時時瞻星漢

寄贈姚江陳舍人生日

衢路騰軒車鱗鱗夕埃起幽人卧空山一榻淨  
如洗紫簫遞谷聲玄鶴銜石髓五十歲未衰明  
眸炯秋水昨霄火昏中祥光見弧矢瑤花隔歲  
開影照千崑裏三壽古來傳真訣靜可擬贈君  
一束書夜半認戊巳

同夢山遊三海巖

夙愛山水遊茲山屢延賞披雲入青冥巖屋呀  
弘敞玲瓏開北戶峭壁排銀牖初駭溜石懸漸

喜瓊芽長幽泉時一滴毛骨森蕭爽壺觴屢獻  
酬清言激靈響天末多風波陳迹成俯仰徒聞  
海上洲中宵動夢想聊茲永日留真性非外獎  
瞑色望征途何由釋塵鞅

登靈山縣北松嶺同夢山有作

越宿期登山晨雨聊復止薄暮雨氣收駕言披  
榛祀躋攀陟雲端曠然煩抱委長松何條條枝  
柯互相倚密葉布成幄餘響散清微通川明井  
落平疇水瀾瀾禾黍豈不佳水多懼生耳平生  
由已

與夢山登文筆山

茲山若培塿名迹擅遐荒中天挺孤秀佳氣接  
溟茫昔人亦奇尚時節集朋觴豈無賢達會歲  
往事多忘我來屬仲夏南陸吐朱光暑雨喜初  
霽輕颺吹我裳良友期紉漼金玉發佳章爲歡  
既不淺履險固其常緬思峴首客陵谷意何長

與夢山登欽州西城樓

登高易爲感况茲萬里心孤城餘百雉樓櫓亦  
丈尋中楹開軒檻翠色前山深屈曲水通海蒼  
茫日載陰美人隔霄旦精爽苦飛沈舉手招青  
鳥願託瑤華音青鳥不我顧瑤華空斷金耿耿  
還自念有酒且共斟

鴻飛亭同夢山作

置酒鴻飛亭請唱飛鴻歌鴻飛瀟湘遠窮海將  
奈何天山冰雪盛赤水揚洪波紫貂與翡翠毛

羽豈其多朝爲山海媚日暮傷虞羅迷方非達  
節炫采亦愆和所以至人志萬事秋鴻過冰堅  
先夕惕龍亢謹南訛豈無寒與暑中正諒匪他  
江停水分渚夏雲鬱嵯峨酒行君盡醉莫惜朱  
顏醜試看冥冥表寧復顧鶻鴛

柳州別王禎甫

柳州越之西山川阻且脩子來首冬節日月幾  
迴周旅館夜共榻清言鬱綢繆撫世嗟多岐語  
道無全牛歷歷見肝膈寫我百端憂歸途念有

期爲子戒行舟豈不惜離別  
冠志浩難留驚湍  
束重峽春鳥鳴鈎輶子行應  
萬里中道莫夷猶  
人生會聚散竚望心悠悠  
努力平生業歲晚莫  
全收

遊員常寺

不堪秋興極徙倚陟南岡  
野色開朝霧溪聲散  
夕陽孤村鷗鳥外小艇荻花傍  
一眺真奇絕在  
歌意轉狂

二

竹識初時種抽梢今幾年  
老僧行挂衲稚子解  
分泉共惜流光逝翻悲秋露泫  
出山緣底事撫  
物祇堪憐

三

突兀石痕古蒼茫字畫分  
千秋誰辨此我輩發  
奇聞逸勢翻龍篆精光動  
斗文秦碑與漢鼎摘  
寫徒紛紛

四

晚涼欹枕罷振策復山行  
冉冉雲穿袖迢迢谷

歷代詩選 明張海山  
通聲平原天際盡孤嶼海中明忽覺襟期遠呼  
觴坐自傾

五

月華流寓縣靜夜此山中寂歷無人會孤高幾  
處同秋聲藏遠樹物色度虛櫳預恐星河落非  
徊小院東

六

嶂合孤煙暮秋初響籟清到來情已愜坐久累  
還輕留偈僧何在通宵月自明年華駐筇竹從

爾謝山靈

唐膳部啓東有歸省之命祝鳴和賦三章

題曰錦江歸興屬余和之

城角聞長夜江村事轉違風塵走宦跡煙水渺  
庭闈斜燕翻行幕黃花候舞衣臨期更一酌相  
看暮容輝

和可齋憑祥途中卽事

昨晚猶孤棹今朝獨木橋千峰旌旆遠萬里鬢  
容消歸鳥入雲定殘花過雨飄交南消息近客

意自瀟瀟

和可齋飲駐仙亭

亭陰清翠篠樹影搖青楓偶此殊方會條然滿  
檻風慕敲靜夜子月挂下弦弓不為流留飲天  
涯任轉蓬

送次厓致政還鄉

疎燈夜榻隔秋連一別滄江故愴然途險向來  
無處避材長應使後人憐山留荒屋供多病力  
剩加殮健昔年怪我好奇仍問字清尊信有子

雲緣

登馬退山望邕州

筓輿穿嶺又高峰極望關山興不窮元氣遠浮  
瀛海外人家多在翠微中軟莎黃犢迷煙雨極  
浦歸帆逗晚風兵侵沈銷春晝永兩江林樹鬱  
青蔥

入邕州

邕州城北兩江來五管金湯亦壯哉海賈盡通  
身毒布埃亭遙擬白龍堆卧關虎豹春霾霧入



歷代詩選  
明張澤山  
九  
匪雌雄夜吼雷御遠古來資上畧天南壁馬已  
枚枚

發邕州往鎮南關

隔年梅雨記重遊風雨依稀潦瘴收老去筋骸  
慚櫪馬誰將華髮博蝸牛孤光冉冉瀧頭月雙  
檣迢迢天際舟夜數星辰翻百念非關鄉國起  
離憂

太平東岨尖峰似故山作

何處飛來玉笋峰似曾排闥爲吾容隔江翠色  
迎孤棹故國白雲知幾重樹老時鳴楓葉雨山  
空遠逝夕陽鐘十年回首凋玄髮欲躡征鴻恨  
莫從

與諸公同遊鐘鳴洞賦詩分韻得南字

石鐘古洞似禪龕兀兀頑空亦可叅擬倚藤蘿  
揮塵尾共移舟楫繫江潭雲開乳竇金膏見鶴  
定松陰午夢酣幽興不禁風景好况逢賓主盡  
東南

東厓長溪次江赴憑祥途中遇雨賦贈

歷代詩選 明張淨峰  
行時霽柳拂前驅別後雷殷水滿湖俄頃陰晴  
迎伏暑凌競車馬戒泥塗岸沙帶浪東西落田  
鶴逢人向背呼愁絕同袍關塞客南山欲與剪  
扶須

又

五月陰晴長綠蒲冥風怪雨亦相須農人私記  
豐年兆僕馭偏憂九折途遠勢驚翻銀漢水怒  
濤疑拔老龍鬚嚴程傍險兼奇觀霑濕何妨赤  
杖扶

和可齋太平燕會奉酬廣西諸公韻

城外青山畫戟同長廊絲管度南風使君高誼  
雙白壁旅客扁舟一遠鴻具共琴樽寬夙昔還  
開匣劍看雌雄江邊沙際孤煙起列炬分携暝  
色中

况村即事

江湍夜響雨聲中錦纜沙痕漲幾重鳥雀深枝  
初日麗關河舊恨白雲封漁舸遠泛還迷浦獵  
火宵歸似舉烽昨偶村邊試病足兒童驚訝屢

聲蛩

沅州贈相士洪鼇

沅湘千里心如水湖海雙眸具者稀我有九淵  
蟠未定憑君看角覓真機

贈吏目王策

故國松楸魂欲斷山城伏臘亦堪憐莪蒿細辨  
年來味蘭漉輕籠雨後煙

林希元

字思獻  
晉江人

送行

勞君千里來送君千里去相送出東門相看寂  
無語安得如晨風隨君雲盡處

前出龍江回望京邑懷舊有作

仲冬寒氣至百草萎嚴霜浮雲依鍾阜朱陽闔  
無光俯視衆鳥啾仰盼孤鴻翔感此歲事非撫  
膺內自傷晨車發北門走餞紛冠裳回首望舊  
都躑躅以徬徨念我同心友列第半城中昔也  
雷與陳今爲參與商安能生羽翼奮飛集其旁  
仲冬二日渡江

歷代詩選 明林以月 三稟  
大江廣以深利涉在舟航北風重淒淒征鴻向  
我鳴中州值運蹇洪流襄崗陵蒸黎嗷告粒皇  
心惻靡寧曰予一州佐敢不秉嚴競但恐豺虎  
驕中野不可行回首武夷山雲樹鬱層層終當  
辦一徃諒豈予至情

鳳陽謁陵二十四日早至濠梁天陰卽事  
泊舟臨古城浮雲結重陰風猛江濤惡天寒霧  
雪深長空沒飛鳥孤鴻有遺音遊子獨何之明  
發抱苦心松菊未可慕風波豈不任斗酒發孤

與浩歌彈素琴伯夷與莊周千載安可尋再拜  
濠梁下聊以慰予忱

去泗州簡諸同志

良晨不可再玉衡指孟秋涼風入庭樹落葉滿  
皇州鷓鴣鳴北林鴻鵠飛高丘嗟予蓬筮士安  
能事遠遊西風發淮浦名位輕虛舟士民接岐  
路攀車詎能畱剛腸素無淚感之欲涕流浩歌  
拍春酒聊以寫我憂回觀臨淮郡雲樹鬱悠悠

其二

歲晏至臨淮皇路方荆棘流亡接衢野父子自  
相食桴鼓日中嚴潢池勢已亟感此懷隱憂中  
宵靡遑息移粟賑餓芋單車馴劇賊封甸懽無  
虞蜂蠆生肘腋遙聞北山下虎豹復橫逆掛冠  
謝世紛林壑有餘適武夷夙所願茲行在旦夕  
寄語同心人秋風正蕭索

發浦城望西山

拏舟登浦城霧散日初曉起立望西山巖業穹  
蒼表造化所融結神秀固冥杳崑崙發氣脉吳

越青未了諸峰列兒孫百川匯池沼雄勢壓厚  
坤坐使衆山小虚空薄雲氣往來迷飛鳥萬木  
出冬青石巖恣深窅上有萬年松巖霜獨矯矯  
芝蘭產幽谷清香自繚繚生物弗可窮寶藏要  
不小敷氣露雨滋流潤江河瀟功施贊元化品  
物倚榮蕝一方聳具瞻八極仰高嶠回首望武  
夷蜿蜒邇相紹五峰暨九峰亦自相盤繞低頭  
下再拜幽意詎云渺我愛西山翁巍巍百世表  
斯人不可見徘徊發深悄

古體送高郡守入

驅馬出東門北顧臨洛橋林陰散朝旭素波生  
寒潮岡巒迴復疊道路阻且遙君子有行役遠  
赴王正朝征車凌晨發木落風蕭蕭敷奏諒有  
聞况值夔與陶重會未有期鳴鳥知遷喬感此  
腸丸迴披衣起中宵

詠張曲江

飛鴻海上來嗷嗷避寒暑黃鳥集高丘爲彼金  
丸懼君子貴知幾達人重斯舉吾愛張曲江矯

矯馳貞素逢時旣不容遠避賢者路美服患人  
指嗟哉獨名喻其人不可作高風邈終古

送張衡山中丞歸田

鳳臺花正繁石城春欲暮送別臨大江行車安  
可任憶昨至留都傾蓋感如故役壺時引滿披  
襟見情素將謂長聚首分飛忽異路重會未有  
期離思良獨苦人生一世間升沈諒有數富貴  
身外事翻雲或覆雨達人貴大觀安能掛臙腑

送潘石泉南少宰考績

石城雲欲暮燕臺葉正黃我友之北方下馬值  
秋霜虞廷重殿最諸難君歷嘗謁帝承明殿顧  
盼承恩光皇心應簡在南轅焉可望行當共贊  
理坐致虞與唐

其二

傾蓋未云久曜靈驚逝波伐木感君愛遷止倏  
殊柯君今當北轅予念在山阿東西各岐路臨  
別當柰何

送盛程齋都憲歸田

首夏未炎熱百羽弄清音林花委陌塵佳樹結  
重陰感物驚節變別離傷我心榮悴理有常行  
止豈在今長笑出都門清風還故林詩書足舊  
業孫子皆瑯琳箕裘既有託寧復論浮沈風波  
予備歷豐草憶投簪何時重相見細語韓山岑  
清涼得張白溪巡撫致政報奉寄

秋風日夜涼路柳何蕭瑟物彙有變遷歲序忽  
代易念我同心友此時在巖石軒冕非爲累投  
簪何太急江山阻且深相從無羽翼夢想寄遐

歷代詩選  
思臨風長嘆息

出京驟雨艱行有述

京師連日雨泥水深數尺車輪挽不前馬蹄行  
復尼親朋更餞送登途日已夕長衢變廣川欲  
濟無舟楫僕夫迷路岐荒原起暝色坎坷竟中  
宵入門天已白共知世途險君子戒行役曷予  
獨踈亢顛沛何足惜出門已若此而况蠻與貊  
過毘陵用古體贈徐養齋亞卿

宦海夙傾蓋差池踰十秋江山隨鴻跡忽共出巖

南遊內補暫分袂贈篇感綢繆京華欣聚首伐  
木每相求許國心同壯論文氣亦投如何忽別  
去爲子抱離憂

古體送李拙脩學博歸田

首夏天炎熱春闌雨水深時序忽然變別離傷  
我心瑤花委陌塵珍禽鳴樹陰曠言懷君子四  
柱輟孤琴子期日益遠予曲誰知音

其二

知音難再得立馬意躊躇千里在咫尺臨別淚



沾裾紅亭梅子熟官路柳條舒我欲折贈君道  
遠曷致諸所貴在情意樽酒當瓊瑤

其三

瓊瑤安足貴尊酒為君觴觴酒飲立盡別情恨  
更長念子同心友後會更何方丈夫志四海千  
里若共堂有時長相思願寄雁南翔

古體送程習齋郡守終養

朱炎忽改節商飈入茂林懷人不可止臨別淚  
沾襟東門紛餞送五馬去沈吟子期寧再得伯

牙空為琴

其二

攬衣思毋線遊子在殊方白雲時入望倚門空  
斷腸感激明主恩甘旨獲親嘗信哉一日養  
三公不為強

其三

登山無虎豹涉水少蛟龍閭閻方按堵渚陸忽  
飛鴻邦人勤借寇誰與達宸聰幸有甘棠在年  
年憶召公

贈王白石運同

居民四逃竄，狼虎滿郊圻。父子不相保，田野或橫屍。咸陽煙火起，萬室成灰糜。鴻雁懷安集，春燕棲林枝。皇運當傾仄，民哀欲告誰。當世無方叔，吾生良可悲。

外子洪舜臣將赴留都以詩為別走筆和之

少小事清曠，物累本寡適。入仕三十年，志慮不改昔。盡道賈生狂，亦有文侯軾。棘庭叅末議，王

門謬通籍，未伸萬里足。忽脫中途輓，世道久陵夷。乾坤何窄迫，長卿病著書。曼倩倦執戟，昔賢多偃蹇。曰予何足惜，羨子抱古心。飄飄凌雲翮，叻業貴及時。寧論遠行役，金氣入秋涼。羣芳日向息，客途興獨佳。懷古身常側，丈夫志四海。別離何足惜，迺心苟不負。顯晦寧異跡，

得毛東塘覆半洲薦舉報

古人重然諾，千金永不移。如何今世人，晨語夕棄之。廊廟且如此，市井安足疑。載觀毛穎意，信

歷代詩選 明林次厚  
若平生期毛穎紙上語渠心安得知

其二

少小讀書史喜誦西南夷遼左功弗建偶落天之涯  
尉佗久擅命皇綱已解維請纓本予志廷論獨參差  
銅柱復歸漢薏苡生禍胚伏波旣不朽梁松空爾爲

哭周梅窓古體

富家但知積財帛誰解好文兼好客君家賓客來  
四方詞賦詩歌滿箱篋富家財帛祗自賁誰

解濟人兼博施君能損已濟民窮道路橋梁咸  
飭理梅花去後餘香存士夫猶有梅窓記幾處  
橋梁照夕曛窮民常出舍恩涕

送葉武舉赴京

聖世方崇武茲行羨壯遊驂騶宜遠道鷹隼喜  
高秋荔日光行色荷風散旅愁燕然須勒石正  
好取封侯

送合浦胡縣丞北還

京邑分攜後星霜忽二更萍踪同越嶠樹影隔

江城彭澤歸陶令長沙滯賈生路岐從此別翹首不勝情

欽州到任感懷

欽州古越郡地僻故荒涼城邑迷荆棘齋居入犬羊依山多虎豹下里少冠裳  
稊負旬宣寄何由答聖皇

公堂卽事

邊方吏事少朝夕只催科十室逃亡九其如撫字何心勞緣政拙官小悉民痾未有龔黃手誰

能起頌歌

飛來寺

記丑

江干夕陽寺何處却飛來塔影隨波去山僧帶月回前朝碑刻在古殿野花開有帶堪畱鎮慚非學士才

秋日東郊餞李少府

秋日郊原上筵開雨乍晴醕分新釀熟涼得午風生草色連城郭山光映旆旌  
半年欣聚首爭柰此時情

登姑蘓虎丘寺

姑蘓城北寺最近吳王臺佳樹琳琅合名山圖  
畫開人寰依下土仙梵接蓬萊上國方多事欣  
予獨舉杯

六月初十夜見月思鄉

幾度京華見月明客心千里獨含情小亭花柳  
隨年綠故國雲山人夢青把鏡忽驚雙鬢改爲  
官虜被一生名坐餘不覺槐陰轉漏鼓城頭已  
二更

別粘中美學博

武林江上憶分襟五載關河朔鴈沈何處相逢  
今夜月一杯高論古人心鍾陵日暮寒煙積白  
塔崖幽野樹陰萬里前程君此去故人回首海  
雲深

與堂官論事不合引疾後呈諸僚友

三載微官媿素尸山林發興已多時如今欲執  
平生志此地應留去後思落葉滿江秋欲老西  
風一病藥聊支榮枯眼底渾無定千古行藏更

歷代詩選 明林少周 卷二十一 三十一 言廿六  
問誰

聞謫判泗州

本以疎狂爲國憂翻從遷謫赴南州萬鍾於我  
知無益三尺如人豈不羞滿眼西風悲落木頻  
年幽夢到滄州長岡立馬重回首雲斷蒼梧江  
自流

謫官後門人予子登自江都來訪喜見乎

辭

風雨連天掃不開扁舟何處泛江來百年衣鉢

憐吾子千里萍蹤忽此杯塞雁南飛霜節近夕  
陽西去暮鐘催燈前細話生平事一片芳心與  
燼灰

仲冬四日發六合

維揚江北昨停舟疋馬今朝向泗州曉色連陰  
山作暮西風結陣雁生愁人生聚散知何定世  
事浮沈且自由回首金陵紅日下親朋已隔白

鷗州

黃石與陳國英朱必東馬子莘三侍御自

文峰泛舟過青山留宿松隱巖紀興

扁舟共泛蘭陂水偶逐殘花到虎溪石洞雲深  
龍已蟄鐵橋人斷鳥空啼青崖白石景自好夜  
雨青燈夢不迷忽憶十年騎馬地西風回首欲  
成蹊

送高柳齋郡守入覲

烏石秋高五馬行祖筵初散曉寒輕日舒南國  
崇陰細路轉閩關鳥道橫望裏帝城雙闕近客  
邊霜杵萬家鳴王正朝後春風煖應有恩波出

鳳城

寓桃源中夜聞秋聲有感

夜半風來蒲樹聲異鄉孤枕旅魂驚滿庭木葉  
經霜下何處征鴻向月鳴病裏秋高猶作客才  
微歲晚僅虛名百年未有千年計却恨江頭白  
髮生

送張中梁少司空考績北上

司空北去值炎天柳色荷香滿別筵棘寺平翻  
三載裏蘭臺聲價十年前雲連北闕星辰近帆

歷代詩選 明林少周  
掛西風驛路便朝罷如蒙宣室問東南民物近  
蕭然

彭城遇中秋有述

佳節重臨是半秋風塵奔走又徐州故園明月  
應同好昔日黃河頓改流浮世百年雙短髮壯  
懷千里一孤舟廉欽此去無多遠銅柱功名敢  
浪謀

徐洪阻風懷古

彭城江北昨停舟洪急風高此暫留萬里長途

頻阻險百年多難復添愁山河控帶關城壯邑  
里蕭條木葉秋回首項劉爭戰地英雄一去水  
空流

過瓜州懷舊

泗亭辭祿憶維舟轉眼風塵十二秋此日南遷  
重繫艦昔時親友半成丘瓜州渡險風常急楊  
子江空水自流堪嘆百年頻過客功名無柰雪  
盈頭

過吳門有感



旅懷牢落路偏長  
兩度閭門十二霜  
吳下雲山猶昨日  
客邊光景近重陽  
秋風颯颯雙蓬鬢  
嶺海遙遙一短航  
人世榮枯應有數  
何須作賦弔沅湘

過嚴子陵釣臺

嚴子祠堂半壁開  
釣竿遺跡委荒苔  
秋高木葉千林靜  
山遠江空一線來  
祗使客星干帝座  
那期功業畫雲臺  
終然漢鼎緣公重  
當日行藏豈易猜

生日溝溪泊舟

時九月廿九日

江湖泛泛屢迷津  
風雨瀟瀟獨悶人  
十里溝溪秋盡日  
百年天地我生辰  
誰為入座稱觴客  
且向殊方作逐臣  
萬事無成雙鬢改  
忽思戎馬欲霑巾

三衢夜泊寫悶

心事悠悠逆旅邊  
浦江風雨撼愁眠  
客程牢落千山外  
壯志消磨十載前  
舉目關河鄉思切  
回頭霄漢寸心懸  
百年行止渾難定  
夜對孤燈思

悄然

晚渡建溪

楓林日暮晚風收  
萬里歸帆泊小洲  
百仞高峯青鳥外  
一雙寒鷺白沙頭  
僧歸絕壁雲間寺  
人在前溪水上樓  
明月滿灘偏照客  
放歌長笑下清流

登天涯亭

平生夢不到天涯  
此日登亭獨舉杯  
一水護門朝海去  
幾家成市傍山開  
聖朝冠帶從茲盡

交趾王租久不來  
銅柱功名誇漢將  
百年流落愧凡才

六月久雨有作

兩年無計理荒殘  
半畝棲宮不暇看  
破屋任從風雨過  
短牆猶在犬羊垣  
無端床竈鳴蠅鼓  
誰信廳房轉鴨欄  
旦夕祇祈官事了  
區區遑恤一身安

丁酉除夕有感

宦落天涯兩歲除  
夢中曾幾賦歸與  
聖朝未

有寬恩詔邊郡猶勞判事書  
忙裏不知殘臘去  
客邊惟覺二毛疎  
椒盤此夜誰觴酒  
忽憶家鄉  
萬里餘

聞陸平川赴廣城以詩送

天涯此日同爲客  
嶺海秋高地不寒  
萬里星槎  
憐子去中天  
月色與誰看  
遠聞國事心猶赤  
久落嵐鄉夢亦安  
萍梗未知攜手處  
五羊相憶路漫漫

九日郊行詢民俗閱海軍遂登文筆峰回

望州城相學基因而有述

謫宦天涯忽幾旬  
偶詢風俗到江濱  
竹籬夕照  
人間屋畫角  
秋風海上軍  
萬頃膏腴荒草合  
千年境土犬戎分  
南陽溝洫扶桑柱  
寧有英雄可嗣勲

戊戌生日

乾坤生我太沈浮  
再謫邊城刺遠州  
門上徃時  
虎掛矢天涯  
此日復添籌  
風高窮海雙蓬鬢  
歲暮江空一牧裘  
竹帛每慚無  
尺寸百年空有氣

橫秋

商兵備劉叅戎餞予于聚勝樓詩以謝之  
 聚勝樓高冰雪寒興來那覺酒杯寬感君高義  
 還投轄笑我雄心蚤掛冠彩鷁曉從三水去錦  
 筵高對七星權雲輪世態隨他變寶劍橫空氣  
 未闌

豐城謁舊尹楊學文先生留飲

二十年前一故知如今踪跡嘆支離淵明久在  
 羲皇上賈誼猶懷漢室悲松菊晚來寧改節海

鷗晨泛可忘機相逢一飲共拚醉不把行藏入  
 酒卮

親朋索債無償姑書此應之

平生仕宦不言錢向老歸來室磬懸朝暮蘼鹽  
 聊自給親朋債負苦相煎歲寒松柏誰爭秀雪  
 裏梅花也自妍苦憶當時趙長史高風千載幾  
 人傳

題御踏石

相傳宋幼主自  
此入海故名

六飛一去不復返此地猶傳帝子行萬里山河

歷代詩選  
無駐足數方磐石尚留名天寒水冷魚龍泣海  
濶天高鴻雁鳴千古興亡同過旅英雄遺恨幾  
時平

聞北虜入寇無能禦之有感

越南未得平安報漢北翻聞大舉聲胡騎千羣  
如破竹山河百二少堅城周家元老思方叔漢  
代英雄數衛青獨惟百年稱養士無能一矢却  
胡兵

得欽州生祠春祭文有述

一去欽州已十霜春風俎豆始生嘗三秋政績  
慙無補八里蒼生念不忘文教未能追蜀郡專  
祠偏得似潮陽百年宦業同秋草惟有遐荒姓  
字香

送洪芳洲病痊赴部

春風吹馬上金臺楊柳青青照客杯好雨不妨  
征袖濕林花正喜滿庭開粵南連歲兵書急漢  
北逢秋畫角哀老病相如惟著述請纓須仗濟  
時才

瀨溪下船

十載不經莆陽路今朝忽泛木蘭舟  
休憎溪瀨喧鵝鴨獨恠衣冠混馬牛  
童子炊煙臨夕斷前村旅邸夜分投  
城中冠蓋多相識有事安能話昔遊

送周雲川太守入覲

南海鵬搏正九秋濟川須得善操舟  
未聞枳棘棲鸞久今喜皇家結網稠  
萬里雲天高客興一雙琴鶴壯清遊  
英雄誰謂無奇會帝畧王圖此

日酬

賀邵甘澤海道得功

秋風一起雁南飛繒繳連天命亦危  
見說二桃殺三士仍聞六計解重圍  
時違須得丹心輔萬衆惟消白羽揮  
此日蒼生誰作主東山安石望攸歸

送戴梁崗葬

哲人一旦歸黃土萬事從今已  
蓋棺宦業足垂當世法文章猶可後人看  
江山寂寂黃泉閉風

雨濛濛白骨寒惟有英魂埋不得精光時射斗  
牛間

新作祠堂商工揆日已舉手矣稱貸罔獲  
無何中止因賦記恨一絕

確守官箴也分然獨憐無計庇吾先百年香火  
頽垣下轉使人將不孝傳

石倉十二代詩選 明三集卷之四十一

石倉十二代詩選 三集卷四十二

方巖存稿

大明 閩縣郭玉波著

後學曹學佺閱

招隱

宵宵城闔姪姪朱戶鎮日懷人西嚮延佇延佇  
伊何懷有中悵晤語無基于焉廣路路廣基長  
載是來去抱子鳴琴遵我脩步人亦有言傾蓋  
如故無適不來使我心苦

答林中丞小泉公兄弟聘鶴詞

瓊河有孤鶴悲鳴一何哀吸景嚮清夜迎風立  
層階鴻雁失其侶嗷嗷思故偕矧茲昭曠質安  
能不徘徊主人勤育斯因之測其心聞我畜方  
特殷勤效委禽昔馴在白圃今棲將朱林我翎  
日以刷我松日以陰所遲在佳偶敢復辭良因  
惜哉事多齟報聘稽敷陳

行路難

大道如砥平末路何偏仄上有百尺厓下有千  
仞壑崖高煙霧濛壑深蛇虎疾樵夫仰坐歎客

子徒脅息嗟哉行路難今古共於邑誰能叩天  
闈一爲驅鬼蜮坐令行者嘻萬里無榛棘

冬日郊居

寒洹動郊坳氣候變晨夕倏忽天地間茫然俱  
改昔卉木絕時妍江臯眇行跡扁舟橫隱汀綸  
竿卷殘月僵卧茅茨中仰視煙波密

別後懷雙江

南國有佳人容華若處子葵藿媚朝陽芙蓉照  
秋水對鏡耀晨粧涉江采芙蓉采之欲遺誰所



思在君子君子遠莫致芳馨能久恃時俗薄朱  
顏當筵歎皓齒信是他山石肯爲渡淮枳繫我  
等蓬蒿不及桃與李昔同百兩將今愧蒹葭倚  
人生會有時道遠難爲謔贈子雙南金憑茲一  
端綺

端陽王恣泉園林宴集席上作

名園邁朱夏佳辰集良賓繁陰敷茂葉深樹留  
長春茄蔬一以靜鳥雀來相馴主人對時歡予  
亦揮世塵數過匪今始淺酌豁吾真玉觴旣滿

泛錦瑟復重陳撫景慕蘭袂隔籬翻陶巾欣此  
兄弟好情分薄高旻但願保金石旦暮還來臻  
走簡林寒泉東道及座中諸客

西河不赴招北山空延佇遲遲費蹇策行行歎  
飢苦命薄窮鬼隨飯善食神妬百歲誠寡歡一  
飽故不遇諸君及世平况各匪年暮陡然逢酒  
徒莫以獨醒去

江樓爲錢方伯

天地有高樓乃在東南圻吳越一水分今古自

潮汐樓高上齊雲俯瞰蛟龍宅氣接蒼梧深勢  
 侵雲夢窄借問居者誰道人錢唐客在川有明  
 謨觀瀾自伊昔昔擷江離花今摩霄漢翮萬里  
 拭鴻儀日下飛鳧鳥卓哉公候孫陟降前人澤  
 莫以桑梓心慨慕東山石千載仰斯樓元龍同  
 百尺

威鳳篇寄會龔雲岡太史

南國有威鳳託生在高岡暮宿丹厓枝朝食青  
 樹琅九苞既絢爛五德復輝光一朝乘風舉六

翮起翽翽矯矯霓裳姿迢迢霄路長翩翩于飛  
 止噦噦鑿和鏘鳴阿由覽德儀廷實形祥矧茲  
 全盛世慨慕先虞唐制作尚其大禮樂殷明堂  
 所期協宮呂四海聞笙簧

見梅因簡藩司諸公索曆

林伏觀無始梅華知歲年紀年非曆誌陶令未  
 必然幸生堯舜世早卧羲皇天詎能忘一飽帝  
 力迥無偏來茲王正月東作事方填螿興覘氣  
 候荷鍾窺土泉及此耕鑿務匪曆何由前欽若

在脩道敬授勤旬宣野人寡屬厭請益難忘筌  
終慕卷爲高子

白日原上沒詰旦復東出海水東逝波來潮又  
今汝人生去無還朝露年命促骨肉不相待須  
臾成古昔明月照空梁白楊墓傍立木拱烏啼  
哀草深兔藏疾天地徒茫茫岵岵不可陟悲哉  
高子心與我大相值中夜起淒風更送隣家笛

青霄鳳翥送林見泉北上

威鳳生南國絕海巢丹山梧棲定朝夕竹食惟

琅玕有時浴咸池晞羽戢其翰眷言遲世清朝  
陽仍愆期我苞日以絢我彩日以全同巢有儔  
侶招呼青雲端匪爲飲啄故覽德豈容緩虞廷  
叫雅奏和鳴相周旋

題畫寄壽徐伯和同年母

峻嶮嶽麓山東有醴泉出于何協休徵維徐萃  
其吉天貺戶部公相茲女士質篤生鸞皇姿覽  
德鳴朝日奉以太液池將以梧桐實銜枝白鹿  
山絢彩金馬室名漢良大家興陶元有植遠客

望堂基衆美難具述託意在斯圖聊以當吾筆  
東禪寺與馬師山夜坐贈黃致齋少宗伯  
端居景層巘出門遵脩軌策蹇入叢林燃藜繼  
寒晷臨流揮素弦澄心鑑方沚悠悠山月高泠  
泠松濤起携手循階除言念在君子

其二

君子將何之駕言與我違欽茲眷命重蕭裝候  
晨雞豈不懷友生簡書有程期迢迢神京道搖  
搖心旌馳丈夫四海志寧復傷天涯

對集驅車篇

晨興理膏秣伏劔辭故人驅車出林莽四牡聲  
麟麟駕言日行邁岐路各風塵踟躕顧其野覽  
物多酸辛寒雲凍欲合衰柳化荆榛鴟鶚亦鷲  
悍鳳鳥何逡巡千仞豈不下周岐西在秦高堂  
念行役虛席前遠臣棄置勿復道行行徒傷神  
潘浮矴顏紫山高傳二山人約遊東禪寺

予尚未禪祭後補得寒字

蛩鳴測序改木落知天寒行役悲歲晏古刹廻

歷代詩選  
明嘉靖  
征鞍徘徊顧儔侶邀結來雲端蘭茝各紛佩開  
腹呈琅玕煌煌霜迷盞羊猿欲窺冠裳鍾梵林鳥  
靜鐙明松露溥清光亮有爲悽惻寧予安招尋  
幾云廢永夜違高歡遙思君信宿塌然聞奔湍  
西禪寺餞別陳愛泉

陽光首曦夏時雨澄珠林稀紅逐來暑蓐綠滋  
繁陰流序一以迅華髮坐相侵及此春未遠西  
墅閒招尋豈徒事盞竿聊用盍朋簪瓊席白雲  
接碧澗泠瑤琴殷勤綴道論寂莫諧禪心陳迹

自俛仰興懷同古今客行有長劔西歸來好音  
王伯止自莆來訪

王生百里長來訪煌煌霞伴憐汝碧梧枝贈我青  
玉案促膝話言長鵬鷹起秋漢爲君拂素琴彈  
罷未終半仰睇東山泉一唱共三歎

古意

美人隔湘浦明月遲孤岑月明照妾影月弦比  
妾心妾心不用鑑妾影何避陰懷金者誰子徒  
慚桑樹林

郊行

玄冬風日晴凌霜出西郭西郭何蕭條鷺鳥舉  
相搏澗水去無還崑花幾開落所以石上松蒼  
蒼自盤錯

次答林儀制瓊河見懷之作

嗟予昔守官蹇蹇非他故豺虎交路岐肝膽安  
得露萬里鴻冥思中原白日暮不有同心人焉  
知此情素

秋窗詞

繫若人兮邈志寄隱迹兮城中結蓬茅兮半畝  
葺薜荔兮爲宮山當窗兮秋獻狀雨朝霏兮暮  
迴風倏馳光兮一歲睎橫絕兮飛鴻

大塊噫兮衆竅一雲收兮萬宇氣肅兮火流蝸  
鳴兮在戶清莫清兮松濤翻明莫明兮山月吐  
雁遼歷兮數聲桂婆娑兮萬舞跂而望兮奈何  
問主人兮廣寒府

風浙浙兮雨霏霏白露降兮草木稀泉泠泠兮  
石罅山容瘦兮空圖窗中人兮思何其彈流水

今送將歸猿聞不見今獨鶴飛噫嘻主人兮假  
我忘飢

醉後倚贈丁戊太和兄弟

大傅小傅雙鳳雛岩棲海釣清時逋王門何意  
不鼓瑟按劍詎敢輕投珠有時抱膝看晴昊又  
欲乘雲過瑤島陳家元仲真二難陸氏機雲名  
其早我本東山一酒徒仰天白眼看人無時能  
向汝低頭拜四座驚云好是迂

愛山卷

愛山主人家何處愛山豈必山中住越王海國  
城西偏寂莫垂楊半畝廛堂屏烏石倚天際四  
時清晝生雲氣車馬落日無往還書聲縹緲出  
林間卜築憐君棲隱地幾回慰我滄洲意

暮春三十日舟中宴集

我愛春春較遲一年三百六十日何能百日爲  
春期浮雲冷雨半孤負病骨離魂復幾時眼前  
有酒且共醉明日看花知對誰

其二

我愛春春不住落日遊絲泣杜鵑斜風燕子愁  
芳杜流光逝水日相推問柳尋花須早爲明歲  
春來亦自好看花不似少年時

晚投苦竹鋪

冬行不見山中雪夜行祇見山頭月萬木蕭蕭  
松露光寒梅半吐明山骨山月還能照遠人野  
客偏驚物候新燈火郵亭多苦竹徧題詩句恐  
傷神

除夕次青岡

去國心仍在逢時意轉遲片雲空未斂萬水日  
俱馳杯送今宵臘梅傳隔歲枝草堂堪守歲心  
事阿戎知

再送顏紫山之柳

作郡逢山水悠然諧夙心山連衡嶽壯水入洞  
庭深憐爾風煙卧那能劍氣沈不占君子嶺行  
部試登臨

送林次崖赴召

汝昔叫閭闔天高闈未通四門今正闢萬里照



歷代詩選  
孤忠賈傳名何早蒼生出不空若聞江漢上弋  
者歎冥鴻

挽同年楊節齋參亞文佩

天地東南坼衣冠血濺兵睢陽空截舌伯起獨  
遺名萬里妻孥櫬殊方兄弟情關河哭相送風  
雨暮猿聲

丁戌山房作

短榻孤山暮清尊細雨前暗傳蟲砌急深對燭  
花偏白戰憐今夕玄談憶昔年不堪鄉國事愁

絕海門煙

晚翠山堂爲羅翁題

近郭容丘壑開堂向暮天主人仙鶴駕來徃自  
翩躚日月含松檜山林引歲年思亭應合在回  
首亂峰煙

錢江樓公將之湖藩携集靈山別業

盛世衣冠會靈山草木宮竹光侵几席雲氣隱  
簾櫳宥從容漁釣追陪總上公百年茲地勝後  
樂若爲同

其二

移席穿幽徑憑高俯大荒  
看雲閩海濶別酒楚天長  
塔影低空樹鴻聲斷夕陽  
巖風起天未吹我芰荷裳

第三泉次高孱亭

不到三泉久偏宜八月來  
清尊誰與共丹桂兩逢開  
雁落寒塘影花粘宿雨苔  
石門那忍去斜日重徘徊

朝房卽事

畫地誓不入叩闥甘自投  
乾坤雙闕迥湖海半生浮  
九死無餘臯寸心何所求  
長安天咫尺漢漠片雲收

愛山卷爲徽人題

方子江湖客翛然更愛山  
茅齋千嶂合藜杖片雲閒  
錦繡開層壁漁樵起暮關  
何緣抱琴徃日夕解心顏

大集書屋爲汪白泉尊人

萬仞青霄立千崖白日奔  
澗雲迷漢水煙樹接

歷代詩選 明郭澄卿  
荆門雨露山中渥林泉道自尊登龍何日慰猿  
鶴莫相喧

贈別吳梅村

憶昔抱琴至泠然清我心十年今會面千載獨  
知音谿柳煙難折村梅雪共尋朱山如可買吾  
意欲抽簪

雲谷以詩見速次畲

道人雲谷隱濁酒瀉筠甌客至蔬能摘詩成草  
不畱煙花看過眼風雪笑蓬頭芝長東山裏春

來一寄不

否合送林世春尹香山  
風煙俱吏隱童稚憶親情一月家鄉話三秋嶺  
嶠行竹筴經冬斲絲桐盡日橫看君憐後夜劒  
氣斗邊明

贈陳明水從軍

紫闥來何遠滄溟戍未歸書憐燕地獄淚濕楚  
臣衣短劒東南下浮雲西北飛相看俱放逸秋  
雨正霏霏

歷代詩選  
再宿甘遯堂

巷憐南北易來過門掩春秋淨薜蘿幾度晴空  
忽雷電那堪永夜動星河獻餘楚璞休悲別看  
罷吳鉤且放歌塞北冥鴻相斷絕風情雲思奈  
君何

對雪壬辰冬  
雪裏看山天漢迴溪頭立馬野梅開風傳壁澗  
香含凍月傍關山笛轉哀玉樹瓊樓人萬里朔  
雲南雁思千回一枝欲折憑誰寄籍向茅堂祇

自猜

懷聶蘇州雙江一首

聞子爲邦憂治深虎丘時復費登臨簿書昔有  
吳都賦几席風生澤國霖茂苑鶯花芳草思東  
山漁唱白頭吟十年回首同遊地千里相思一  
夜心

贈王復初之洪州

汝去洪都訪舊遊江山雲物總堪求滕王閣在  
雲霞壯孺子亭空日月留憶昔登樓聞楚些從

今對酒看吳鉤諸君問訊煩相報我正行吟杜  
若洲

洪厓逸樂爲鍾氏作

昔人仙去幾經年此地洪厓尚有傳藥杵半懸  
秋夜月洞門深鎖暮雲天碧梧翠竹相迴合白  
鶴青鸞自往還千載子期今見汝高山流水信  
潺湲

過桂洲夏給舍象麓草堂

白石青莎薌水頭草堂斜倚象山幽知汝移家

豈無意借我停車聊散愁野曠天高雲上下渚  
清沙合鳥沈浮武夷只尺鄉關在肯入滄浪一

釣舟

又

愛汝新成背郭堂牙籤萬卷照滄浪天寒靜見  
魚龍影冬日猶存松檜香野客披雲緣逕人王  
人依竹送杯涼天涯歲晏逢知己潦倒燈前亦  
自狂

送劉北川之任太平

歷代詩選 卷之四  
鄉評屬望聞年少海內談詩見爾豪千里未應  
淹驥足一官聊復隱蓬蒿烏山碧石牽離緒麗  
水晴空動去舸邊微清時無一事郡齋燒燭註  
離騷

華嚴寺舊寓偕劉平嵩諸君餞別葉表二  
丈

野寺峰含煙樹林江天日射洞門陰幾回蘿薜  
他山夢十載風塵故國心瑠草瑤花聊共掇短  
牆喬木合追尋漫山萬竹能無恙隔水疎松已

到今

其二

門外溪光淨不流階前草色故然幽岩雲日過  
時畱几海月秋新欲上鉤短榻當年猿鶴夢五  
絃終曲鳳鸞愁人生出處亦漫爾老我何妨君  
遠遊

九日西禪聶雙江陳明水高文谿宴集卽

席作

佳辰牢落逢重九上客招携入遠林席促雲移

山寺晚潮生月上海門深卽看洞竹搖雙佩那  
得籬花散萬金歲晏不須歌蟋蟀醉歸猶自肅  
冠襟

君心

君心如車輪妾心如車轍輪心自廻轉轍迹終  
不易

二解

君心車上月妾心車下塵塵質底隨風月光還  
照人

宿坪塘鋪

獨樹郵亭影千山征路塵東鄉今夜月偏照未  
歸人

車上見小犢

午時驅車自鳴雞棘霧藤霜到處迷小犢不知  
鞭策苦懶眠芳草向人啼

贈方思道棄官歸養

主人忽念棠陵幽豸冠高挂岳陽樓萬里風檣  
信堪渡滄江白浪使人愁

歷代詩選 明郭澄卿  
白鶴山人歸故山山中猿鶴盡歡顏黃精白芋  
蒸初熟况復江魚竹笋斑

西湖雜詠

金沙灘頭金水溶金沙閣外玉芙蓉濕侵簾幌  
三峰雨聲雜琴書兩岍鐘

其二

逋仙孤興寄孤根疎影寒塘月共存無數繁華  
俱寂莫我來猶此對芳樽

活水將有東浙之役走筆贈之

謝安今向江東去雁蕩天台合爾棲緱氏峰頭  
發孤嘯等閑更過若耶溪

又

君今此去何時還虎豹遙聞尚在關中道若逢  
鄒太史道予今已卧東山

石倉十二代詩選

明三集卷四十二

終



石倉十二代詩選

三集卷四十三

太史公作史記

今此去所報數氣

文

安今向

石倉十二代詩選

石倉十二代詩選

三集卷四十三

泉亭集

大明

錢塘吳鼎著  
後學曹學佺閱

贈王兩泉

師道久不振  
狂簡誰與裁  
講席生網塵  
黷舍鞠蒿萊  
物情惡簡束  
放曠俗所諧  
譬彼玉匪磨  
祥光何由開  
良工理奇璞  
清廟登瓌材  
矧茲錦水  
滑文雅古所推  
石室存遺風  
感歎心悠哉  
希賢如有立  
頽波諒可回

歷代詩選 明吳道成  
病中奉別汪方伯詩

皇圖德綏遠嶺海奠南服干城思上公雄藩屬  
明牧祝融驅前旌薰颺戒華轂忝予在知遇會  
促別何速啣啣聽笙簧迢遙宴湖澳貽我新詩  
篇辭采麗金玉此誼難重陳悠悠結心曲脩鱗  
縱洪湍涸鮒傷局促卑柯限鷓鴣寥濶翔鴻鵠  
嗟哉瀛海內巨細互起伏抱疴予長終望公秉  
釣軸

贈別褚光楚

昔予宰中都與子觀濠梁風塵二十載重觀吳  
山陽歲寒義彌敦聞久道逾章不負延州期共  
采江上芳紉蘭憐氣馥看劔意何長方作比翼  
遊豈伊千仞翔祇召趨北極守官反南疆山海  
阻中州嘉會安可常雜佩雖莫贈願言愛景光  
秋草淒已變繁英委嚴霜母令功業晚坐歎天  
一方

贈蕭兩湖南陽撫民叅政

黃鵠慕儔匹嚶嚶特懷春老驥志千里安能顧

其羣昔我同袍友及茲心愈親三載浮雲合一朝江漢分何以慰離思尊酒贈嘉賓行行自斟酌含意誰爲陳返顧洪海流前瞻清洛塵下車南陽日爲訪躬耕人草廬今何如古木幾龍鱗寄我梁甫謳使我開心神

題山水圖贈別桂洲閣老

畫中江上山宛似五湖綠冉冉會稽雲扁舟一何速有叟鼓枻歌如聞滄浪曲碧山生紫芝赤松間黃石風光戀遲暮草木淒別離煙霞閱日

月屏居詎所宜回首建章闕斗轉橫南箕飛鴻度江渚渺渺令人悲

壽孔文谷提學

覽古慕汾陽凌風望文谷檻泉若龍鱗伊人美如玉頓足千仞岡濯纓萬河曲朱門安足榮所志在華國義高卜子夏何論段干木道爲王者師西河有遺馥感激平生懷因之策高足三十奏長楊四十典文學曩觀秦漢風今問延陵俗秋宵三五餘月盈魄始復大火正西流庭草萋

已緣茲辰憶懸弧百年如瞬目永言樹修名千  
齡介景福

謝劉侍御思存惠琴

門有千里客遺我錦囊琴絃新不復識猶識故  
時音試彈姜里操再鼓白頭吟一倡三歎息感  
激思彌深昔爲連枝樹今爲泥與雲願起鍾期  
子知我伯牙心

九日喜晴

秋陰弄早寒淫潦沒禾黍蛟鱷計轉深城社穴

狐鼠皇天厭泥塗出日冒下土倏忽變清平氛  
覆了無所茲辰邁重九陽德敷海宇病夫喜欲  
狂沽酒嘯朋侶瘦菊雖未花幽叢鬱膺膺薦蘿  
爾何爲蔓延遽如許誰令爾牽騰何惜受大斧  
吾將祝司命從今節風雨

送胡太常赴留都

鼓櫂凌青陽悠悠沂江水翩翩玄鳥至粲粲桃  
與李黃鵠失舊羣道旁巢孤壘豈無求友聲  
翬安能起嗟余嬰痼疾長日門掃軌華轂遠相

過故人情尚爾清談涉宵分高風薄南紀起看  
參辰橫箕斗竟何似驚飈揚別襟執手聊徙倚  
贈言鍾山陰蒙泉有深理

宿嘉祐院

行行復行行我馬嗟玄黃玄黃尚可驅晝短路  
苦長淮泗廣且深欲渡愁無梁躊躇暮雲滋倏  
忽西日藏高鳥赴喬林征夫獨徬徨步入招提  
境清心聞妙香明月出夜半美人餘輝光啓戶  
何所之徙倚還入房

夜行

朝發都梁道夜行泗水濱泗濱無方舟感激生  
悲辛圓景不再滿繁星燦以陳野火明我側白  
露沾我身無因還里閭謔笑心所親棄置勿重  
言夜行常畏人

讀點白公入雁山有感詩

豪貴慕壯遊資用恒不惜擁從促珍厨豈念溝  
中瘠紺宇釁脂膏青山爲窟宅况聞永嘉秀頗  
恨康樂癖千秋值丁侯嘆息爾遊客海壖稅未

歷代詩選 明史遺風 五  
紆矧茲無名役侯也善措理餽賓有常格甚美  
必甚惡題名謝泉石

同魏戶曹汪提刑遊湖山因懷方提刑  
執熱集西坡開襟值靈雨密雲若帷薄日宴不  
知暑駕言相追隨林氛絕塵土面溪濯長纓褰  
芳薦清醕中園何葱蒨云是昔禁蘂舊碣仆豐  
草新阡竄蒼鼠但覩佳麗區徃徃逢梵宇榮盛  
不須曳金石竟朽腐人寰寡歡適朋情慨離聚  
願從東山屐秋風此揮塵

予嘗奉別林此齋僉憲先生

凌春曷言邁含淒望江隩輕陰翳朝暉浮雲變  
中谷滴滴東流水遙遙結心曲南來孤鴻飛北  
向一何速託爾寄沈思揚音遺輦轂返顧俄不  
及慷慨眺川陸鷺鳥豈卑棲蛟龍不溝瀆丈夫  
四海志皎如雲中鵠訕伸自有時攘詢詎改服  
古人貴經阻夷險厲修躅願言秉初諒知君愛  
忠告

葉應二曹長過小樓望湖各賦仄韻

望湖湖上樓秋宇開圖畫客至青霽生山空白  
雲挂棋邊劇笑談酒後忘揮灑孤榻三年心悠  
然忘困憊  
瀛洲行  
昔聞羽士訪瀛洲風濤幻渺令人愁江南別有  
藏仙窟瀛洲近在安陽麓安陽地接惠山泉香  
澗廻流似碧環樓臺雪夜金銀色棗猗春雨琅  
玕密雲岩惟見白鹿過空谷時聆紫芝曲楊夫  
子有僊骨生來高卧林間屋赤松未許蚤從遊

黃石爲傳書一匱杖策風塵憶舊山青猿白鶴  
十年閒從來大隱在朝市聊與登瀛學士相躋  
攀

壽百歲翁爲周給事乃祖作

心悟崆峒道形同姑射僊春山種白玉秋渚搴  
芳蓮日月朋三壽乾坤考百年夕郎餘慶在封  
事補堯天

養疴靈隱寺作

白霧羃青林浮雲抱日沈聞鐘僧不見撫景自

長吟一落泥塗晚空懷丘壑心殘生無處着慙  
寄北山岑

贈皇甫少玄

宦拙悲雙鬢途窮問五湖閉門秋草綠隱几白  
雲孤舊業空多夢新知亦寡徒偏憐皇甫謐彩  
筆序三都

送同年羅世科任黃州通判

文物黃州地秋風特送君因懷赤壁賦細誦竹  
樓文江漢流芳潤山川隔暮雲懸知郡齋夜千

里惜離羣

送楊同府考滿

抱琴頻北上仍卷舊圖書一鶴隨春往孤舟任  
所如廟堂思展驥朝野頌懸魚獨有相如病空  
懷長者車

謝少宗伯黃久菴見惠

江雲散還合衾枕祗危樓寒暑每相代芳菲不  
可留殘骸拋藥物吾道付滄洲珍重故人意瓊  
瑤忽見投



下金詩并引

歲聿云暮病榻蕭然同門夙好棄如遺跡雪  
途掃軌不敢干人乞糶糊口喪其斧資雷轟  
碑本始信有之甑已破矣顧之何益戲作短  
篇徧呈知己

衾枕經冬敝冰霜歲暮深天迴龍劍去人遠雁  
書沈門外空多轍丘中只故琴青雲竟何許感  
激動微吟

送王中丞詩有引

公昔按浙鼎也為諸生辱一言之知茲二十  
年公復來而鼎病廢閭里承重顧未能謁而  
公歸矣短章代送

重陟吳山巘勲名二十年青冥揮斧鉞碧海淨  
風煙解組緣 明王懸輿並昔賢江城春霧裏  
聊詠白駒篇

夏孤雲詩來問疾次韻酬之

花惱滄江卧春浮遠嶼青感時歌古調欹枕讀  
殘經痼疾醫難療閒居眼獨醒草堂無戶牖堪

比子雲亭

立夏岳二尹以劉侍御舊作見遺中有懷  
寄余者感而賦之

春歸風雨暗愁讀十年詩黃鳥窺高卧青雲愧  
後期故人殘夢斷心事落花知佐政時勞問閒  
居得所思

送桐岡葉曹長還留都

清商展玉琴忽奏渡江吟明月片帆影白雲千  
里心塵隨騏驥步秋入鳳皇岑回首湖西與長

風結武林

丁憲副敬夫行春輿頌

露冕行春郭風謠動海隅漁樵知異政斥鹵變  
平蕪虹影蓉波淨峰容雁蕩孤此編同不朽留  
與穎川俱

送中丞南津胡公巡撫江西

仗鉞臨江右旌麾動斗南棠花依驛路沙雁避  
征驂百粵煙塵淨千山雨露涵向來東望處明  
月度澄潭

其二

漂母留祠地陳公下榻心十年成底事一病負  
知音春遠滄江靜潮生南浦深滕王高閣在飛  
夢越遙岑

惠憲副招過別墅阻雨忽霽仍往盡興

煙雨妬春妍東風迴酒船推窗見晴色促權下  
斜川細草薰山酌紅芳間錦筵夕陽花更好黃  
鵠度青天

奉別蘇原吳叅知

花晚春如雪江城雨似秋君今離浙水幾日到  
廬州漫著潘生賦須登王粲樓古今多此恨慙  
別莫生愁

天竺寺

心遠地仍僻樓高日復斜寒岩飛瀑布古木墜  
藤花夾道松合雨盤溪竹映沙坐深霄漢近把  
酒遲浮槎

留別故交

身覺馮唐晚偏憐鮑叔知千秋逢我輩異代得

歷代詩選 卷之三  
宗師後會應何地論交憶往時青袍亂飛絮重  
與故人辭

春日同陳表二司馬遊東山

乘春過別墅斜日到東山古磴幽人迹梅花靜  
女顏談兵從引滿折屐度柴關未了圍棋與昏  
鴉接翅還

秋浦汪公見招泛湖石屋洞觀虎跑泉

抱病經春序閒居念物華招携煩憲府簫鼓愛  
僧家石屋千年洞桃源二月花虎跑泉更碧小

汲試新茶

挽王蒼峪方伯

晚識東山面相憐同病時論文千古意抱節此  
心知道大逢時忌才高果數奇紫薇春易老橫  
笛暮生悲挂劍應何地囊琴有所思西州門下  
路洒泣想風儀

贈傅應臺十韻

湘漢紉蘭佩雲霄補袞衣南探神禹穴東覽越  
王畿濤白春衫淨湖明曉鏡揮臨風頻攬轡問

歷代詩選 明吳過庭 卷四十三  
俗獨褰幃頗覺豺狼靜其如鴻鵠飛 帝書函  
玉節晝日照金緋翼徙南溟濶舟從故國歸隨  
珠還燦爛黃鶴故希微感激馮唐晚躊躇鮑叔  
違自慚非國士何以報恩暉

馬禁溪大叅歲暮携酒話舊

行厨竹下倒金罍叢桂亭前訪早梅不爲故人  
偏繾綣誰能歲暮重徘徊廿年塵事那堪聽五  
十無聞自可哀日落星回風物換寒宵短燭更  
相催

登高 贈別奈東臺轉官郡丞暨還柳州

明月湖心憶舊遊夕陽江外赴新愁十年去住  
頻傷別萬事蹉跎可自由風急天高秋澹澹蒼  
梧桂水意悠悠未須極目懷鄉國更上峰頭望  
帝州

喜藩司諸公携酒相訪

一春謝客交游絕此日羣公發興奇載酒豈緣  
揚子宅風流偏愛習家池小窗幽戶臨脩竹清  
障疎燈看奕棋最是花間沾濕好江城雲雨夜

歸時

雨中西樓赴孔文谷督學招飲

朝來爽氣滿西山乘興登臨杳靄間風雨危樓  
迷遠望川原秋色對衰顏雄談庾老難重作麗  
藻王郎去不還却喜多才孔文舉清尊畱客意  
尤閒

九月十一日同陳郡守蔡學使張地官泛

湖登飲玉泉亭轉入靈隱山中

登高舉俗喧重九我亦看山到獨遲爲待月明

來聽笛空嫌菊瘦未盈枝空川渺渺魚龍靜古  
道蕭蕭草木悲笑接賢侯僊客飲莫因搖落動  
愁思

柳洲亭同蕭兩湖餞孔文谷溫州校士遇

兩晚霽

晴光林壑動幽期急雨郊原興亦奇草樹煙濛  
人去後海天雲散酒闌時絕憐返照金波麗共  
坐清宵玉漏遲好去乘槎向甌粵滄浪一曲攪  
離思

秋興

秋苑梧桐集鳳毛  
露華如雪墜江臯  
孤亭月冷荷裳薄  
永夜村虛石枕高  
病後風雲非舊夢  
檻前煙樹有漁舸  
迢迢轉覺雙星隔  
空負明河構鵲橋

得東湖陸明府書寄謝

文谷盛州外士

春風往歲同遊路  
暑雨深更獨夢時  
忽見飛鴻千里扎  
漫追芳草十年期  
雲霄極目懷孤往  
花竹連牀靜有思  
一月東湖新水綠  
扁舟浩渺使

人悲

中秋病懷

夕草霏微覺露華  
中秋強起望天涯  
湘江木落秋無賴  
彭澤官閒菊未花  
林鵲孤棲驚月上  
野螢投暝入人家  
病逢節序餘悲慨  
風急城虛切暮笳

袁泗州書來結隣作此招之

泗州城下水冥冥  
使君舟楫無時停  
故鄉魚肥酒可飲  
晚歲人歸花欲零  
淮海風塵千里夢  
湖

山夜雨一孤亭從今便掃裘羊徑竹筍年年爲  
汝青

元夕遇雪

卧聽春聲起權歌俄看雪色靜江波浮雲故礙  
元宵月荒徑翻成白玉坡隔院笙簧人跡少閒  
庭燈火落煤多憑欄洒泣梅花瘦辜負東風奈  
爾何

送應仁卿復補留都兼簡舊僚諸曹長

東風紅藥白雲司省戶重開榻未移南國幾年

推宿望舊遊多暇自風期春杯潦倒憐予病斜  
日江山憶所知白馬翩翩湖上晚垂楊夾道挂  
新枝

暮春和方都運

閉戶從教節序移江南春盡子規知煙州芳杜  
人同晚屋角清陰鳥自宜美睡不堪新燕語閒  
情偏屬落花時輕盈飛絮休相捺五柳先生懶  
著辭

閩省竊發查方伯楊少叅被害郭憲副平



歷代詩選 明吳道成 卷之三 六  
賊有功詩以寄意兼哭二公

聞道南方豺虎亂令公急爲殄凶殘朱旗夜閃  
荒山靜露布朝馳萬里看海上風煙生日夕天  
涯雲氣接長安東隣忽奏山陽笛涕泣橫流獨  
倚欄

病中奉在陳新齋葉桐岡話舊

在挹黃流注玉卮緜袍不奈薄寒時青雲白髮  
愁多夢流水高山有所思四月草堂花更發十  
年萍梗會偏奇殘生祗合終江海國士空慚

妙知

挽應仁卿乃叔天成隱士

高原喬木自清輝雨露年年泣翠微庭倚荊花  
香氣合月涵松影鶴翎飛人間龐老忘榮辱地  
下陶潛失是非悵望風流不可見哀銘讀罷一  
沾衣

送舊僚張康甫調閩中文學掾

秋曹舊住鍾山曲春日曾看御苑花臺晚鳳皇  
餐綠竹湖平玄武曝晴沙談經浩渺風猶古退

歷代詩選  
明史通  
食從容日每斜病卧滄江逢宿侶青衫白髮向  
天涯

懷劉春岡侍御

新竹齊簷燕有雛坐看江雨長菰蒲芳心冉冉  
隨年變痼疾悠悠何日蘇鄒子獄書誰復誦潘  
郎花徑久應蕪金臺此日乘驄馬猶自題詩寄

五湖

早春贈舊僚朱時濟佐瑞州兼簡張豫卿

賦賦

太守

青衫司馬自天涯細雨江帆路復賒經世幾人  
還落魄流年雙鬢忽生華日斜謾誦長沙賦春  
曉初看上漢槎最喜官聯張博望好懷偏爲故  
人加

久病林泉起從王事漫因春興賦別知己  
風雨生寒花事稀草堂徙倚惜春暉魏牟頗覺  
江湖遠潘岳空悲容鬢非壯志蹉跎千日酒此  
行慙負北山薇青雲滿眼知音少獨抱焦桐別  
釣磯

送沈空泉守廉州

離筵滿飲重陽酒岐路論交二十年草樹煙銷  
開越嶠關山月出照貪泉雙旌影逐征鴻遠萬  
戶花當瘴雨妍此別遙知消息好珠厓應有口  
碑傳

病中送省菴范曹長還京

歲暮江寒鳥不飛孤蓬北去思依依春迴隴上  
梅花瘦雪滿梁園樹影稀病裏不堪人別後年  
來頓覺物情非惟君京國遙相憶悵望鷓鴣接

翅歸

金陵有感

重過故國歡遊少一上新亭憂思多經世廿年  
猶落魄流光雙鬢已爭鬚壯懷空擬凌雲賦長  
夜誰憐扣角歌便采紫芝深谷去春山無伴意  
如何

桂洲入相有懷

海隅久切蒼生望闕下新傳拜相麻坐聽長風  
送霖雨遙憐春色淨堤沙龍樓况近蓬萊殿甲

歷代詩選 明吳道成  
第斜連上苑花怪底絕無東閣夢十年畱滯眇  
天涯  
鳳鳴朝陽便面爲楊二守題

威鳳翔九霄長鳴下東嶺日出煙霧空照見孤  
桐影  
會萃夢成絕句  
屬玉鬖沙塵不斷荷錢出水夏初晴高眠莫遣  
書聲惱花落江湖草正生

玉華高少叅如京拜表贈詩

日日從人送使君相如過後霍將軍春來折盡  
長亭柳千里相思贈白雲

三平送徐典膳  
桃花淨盡望河陽千里春濤正渺茫一夜扁舟  
渡江水迢迢風月下錢唐

謝陳侍御送書

病卧空齋秋草深故人書抵萬黃金明朝又渡  
江東去涼月清霜思不禁

讀史有感

歷代詩選 明史述及 三集卷四三 三  
漢武雄才世莫倫輪臺一詔見天真滿朝都入  
平津閣猶有淮陽卧病人

老人徐梁贈藥兼酒詩以謝之  
玄晏閉門其病廢高人徐穉獨能偕萬金良藥  
勞相贈只恐吾生自有涯

贈荅贈石川張曹長里春氣五湖帶一外歸飛  
三年牢落卧江湖寒雨征蓬興亦孤何似逢君  
濠水畔春風駟牡踏平蕪

日日朱衣獨釣圖

五湖無地不漁簑獨釣秋風奈爾何只恐坐深  
江霧重緋袍濕盡舊宮羅

惜梅

梅老飛花可自禁逢人空有惜芳心不知風雨  
緣何事苦追春光到柳陰

亭上口號

紅薇高映垂楊綠下有清流照脩竹主人愛客  
不知暮亭上飛觴奏新曲

絕句二首

秦淮三月子規聲汀草蕪煙入望平賈豎不知  
陵谷變逢人猶問石頭城

牡丹枝上春如許奄李東風共一家君去試看  
江上樹何時開到刺桐花

蘇州專書

蘇州專書

蘇州專書

蘇州專書

